



歷代建元考
一





叢書集成

初編

主編者
王雲五

商務印書館發行



歷代建元考

(一)

鍾濂撰

本館叢書集成初編所選
墨海金壺及守山閣叢書
皆收有此書守山本校勘
精審故據以排印

四庫全書提要

歷代建元考十卷

國朝鍾淵映撰。淵映字廣漢，秀水人。自來紀元諸書多詳於正統，惟國初吳肅公改元考同，及近時萬光泰紀元敍韻與淵映此書則併僞朝霸國以至草竊僭稱皆一一具載其例以年號相同者列前，次以年號分韻排編，次列歷朝帝王及僭國始末，並外藩亦間及之，秩然有序，雖載籍浩博，蒐採難周，如蜀王衍、宋太祖年號與輔公祏同，裘甫有維平之僭，成都爲西夏之稱，凡斯之類，不免間有闕漏，未可云毫髮無遺，然較吳萬二家足稱賅洽矣。

自序

改元非古也。周衰道微，王者不作，列國自相雄長。若魏若秦，各以稱王之歲改元，其事固無足法也。漢至孝文，天子中新垣平之詐，始復更爲元年。景帝因之，延及世宗，遂惑羣臣天瑞之說，訖帝之世，更立年名，有號十一，始爲古今一成不可變之制。嗟乎！漢之世宗，非若後世中材者比也。興詩書，定禮樂，至改易正朔，爲百王取法，尤吾夫子所有志未逮者。而年名反自帝倡之，故予三復孝武本紀，未嘗不惜帝雄才大略，可以進于三代，而羣臣將順者之失也。自是以降，或三四年，或五六年，未久輒改，甚者一歲之中，寒暑未更，年號疊出，編年紀月，書法無章，而學者欲于數百年之下，條舉無遺，蓋幾難之。予讀史之暇，搜考前代諸書，其最著者，柳璨正閏位歷，宋庠紀元通譜，目存書亡。近代閒有作者，考覈未備，于是徧觀正史，旁採霸書，外及海外屬國之紀，踰月書成，列爲五卷。至改元以前帝王世系，別爲首卷。皇王僭偽諸凡，又作類要一卷，而上下千百年間耳目之所及者，庶幾粲然無遺憾矣。然予因之有感焉。年號之興，起于方士之無稽，繼以盈廷之從史，與古大臣祈天永命之說何與哉？乃數十代靡然從之，非此無以章受命，迓天休，慶星甘露之祥，麟鳳龜龍之異，無不以之名年，而治終不古若善乎？號不屢更，陳承祚所以歸美諸葛也。有明繼代，高皇帝享國最久，大經大法，不憚再四更張，獨洪武之元，終世不易，聖子神孫踵而行之，而歷代相沿之謬始革。嗚呼！變法亂制者易，居今復古者難，獨一建元云乎哉。

歷代建元考書目

古今年號錄一卷。唐封演集并序。以肅宗至德、代宗永泰、乃陳後主、齊明帝年號。爲失于考據。遂起漢武、建元至于唐。纂爲一卷。

正閏位歷三卷。唐柳璨撰。

建元歷二卷。唐張敦素撰。

嘉號錄一卷。唐韋美撰。

年號錄一卷。南唐徐鍇撰。

古今類聚年號圖一卷。蜀杜光庭撰。自漢武元年辛丑至蜀乾德元年己卯。凡一千五十九年。歷一百八十九君。改四百七號。內六十號重出。

年號歷一卷。紀年類一卷。元類一卷。見崇文目。

歷代年號一卷。宋丞相饒陽李昉撰。

紀年通譜十二卷。宋參政宋庠撰。以古今運歷之書。凡十餘家。皆無可采。遂取十七代正史、百家雜記。凡正僞年號。括爲一書。斷自漢文後元之戊寅。下止周恭帝顯德之庚申。凡一千二百二十二歲。并本朝建隆之元至慶歷元年之辛巳。合爲十二卷。有五號曰正。曰閏。曰僞。曰賊。曰蠻夷。其十八篇曰統元。以甲子

貫之。其二篇曰類元。

運歷圖六卷。宋龔穎撰。晁氏曰。按晉史。張軌世襲涼。但稱愍帝建興年號。其間惟張祚篡竊。改建興四十二年爲和平元年。張天錫執政。始奉穆帝升平之朔。始末不聞有改元事。惟穎書載張寔改元曰永安。張茂改元曰永元。張重華曰永樂。曰和平。張元靚曰太始。張天錫曰太清。張太豫曰鳳皇。不知穎何所據而言然。或云出崔鴻十六國春秋。鴻書久不傳于世。莫得而考焉。

編年通載十五卷。章衡撰。編歷代年號。貫以甲子。始于帝堯。訖于治平丁未。

疑年譜一卷。年略譜一卷。雜年號附。劉恕撰。

歷代紀年賦一卷。大理丞楊備撰。自漢至五代。別爲宋頌四章。

歷代紀年十卷。紹興中晁公邁撰。

古今年號錄五卷。紹興五年八月侯望造。自漢建元至今一千三百三十五年。正僞年號總八百三十八。爲字二百三十五。

歷代紀年纂要一卷。元察罕撰。

紀年錄一卷。明邱濬撰。

正閏考十卷。明沈德符撰。

歷代建元考總論

春秋正義曰。漢魏以來。雖秋冬改元。史于春夏即以元年冠之。是有因于古也。元者。氣之本也。善之長也。人君執大本。長庶物。欲其與元同體。故年稱元也。諸侯于其封內各得改元。傳說鄭國之事。云僖之元年。簡之元年。是諸侯皆改元。非獨魯也。

隋志曰。道經有延康。赤明。龍漢。開皇。是其年號。

春秋後傳曰。惟王者改元。諸侯改元自汾王以前未有也。晉竹書。曲沃莊伯十一年十一月。則用夏正爲歲首。而秦譜至宣公初志閏月。不惟改元。又改歷矣。

書正義曰。顧氏云。殷家猶質。踰月卽改元年。以明世異。不待正月以爲首也。郎顛曰。仲終季始。歷運變改。故可改元。所以順天道也。

文中子曰。改元立號。非古也。其于彼心自作之乎。

王應麟曰。漢武六年一改號。自太初後。四年一改。孝昭亦六年一改。孝宣四年一改。孝元五年一改。孝成四年一改。

又曰。年號及十年以上不改者。光武建武三十一。孝明永平十八。孝和永元十六。獻帝建安二十四。蜀漢後主建興十五。延熙二十。吳大帝赤烏十三。晉武泰始十。太康十。穆帝永和十二。孝武太元二十一。安帝

義熙十四。宋文帝元嘉三十。齊武永明十一。梁武天監十八。大同十一。陳宣大建十四。魏昭成建國三十。九道武登國十。太武真君十一。孝文太和二十三。西魏文帝大統十七。隋文開皇二十。煬帝大業十三。唐太宗貞觀二十三。元宗開元二十九。天寶十四。代宗大歷十四。德宗貞元二十一。憲宗元和十五。宣宗大中十三。懿宗咸通十四。

愚按改元及十年以上者。尙有前趙主曜光初十一。後趙太祖虎建武十四。成太宗雄玉衡二十四。前秦世祖堅建元二十一。前燕後主暉建熙十一。後秦高祖興宏始十八。北燕太祖跋太平二十三。北涼武宣王蒙遜元始十六。西涼武昭王暠建初十三。西秦武元王乾歸太初十三。南唐元宗保大十五。南漢高祖龔大有十四。中宗晟乾和十六。孟蜀後主昶廣政二十八。宋則高宗紹興三十二。孝宗淳熙十六。寧宗嘉定十七。理宗淳祐十二。遼則穆宗璟應歷十九。聖宗隆緒統和二十九。太平十。一。興宗宗真重熙二十四。西遼仁宗夷列紹興十三。承天后崇福十五。真古魯天禧三十四。金太宗晟熙宗亶天會共十五。世宗雍大定二十九。夏景宗元昊天授禮法延祚十一。惠宗秉常大安十五。崇宗乾順貞觀十三。桓宗淳佑天慶十四。元則世祖至元三十一。成宗大德十一。順帝至正二十八。又東漢初。公孫述龍興十二。唐初。梁師都永隆十二。俱玉海所不載。若元代諸帝則王氏以後事也。又曰。舜典紀元曰。商訓稱元祀。春秋書元年。人君之元。卽乾坤之元也。大哉乾元。萬物資始。天之用也。至哉坤元。萬物資生。地之用也。成位乎其中。則與天地參。元卽仁也。仁。人心也。衆非元后何戴。后體元。則仁。

覆天下矣。卽位之一年必稱元年。累數雖久而不易。戰國而下。此義不明。秦惠文王十四年更爲元年。汲冢周書。魏惠王有後元。始變謂一爲元之制。漢文帝十有六年。惑方士說。改後元年。景帝因之。壬辰改中元。戊戌改後元。猶未以號紀年也。武帝因事建號。一元曰建。二元以長星曰光。六年而更始曰朔。郊得一角獸曰狩。顏氏謂年號起建元。劉氏據封禪書。謂起元鼎。呂氏謂元鼎亦追改也。元封改元。始有詔曰。登封泰山。至于梁父。然後并壇肅然。自新嘉與士大夫更始。其以十月爲元封元年。及征和之後。復改後元年。于是武帝厭改元矣。歷代沿襲。或五六年。或三四年。或一歲再更。或一歲三號。記注繁蕪。莫之勝載。哀帝以建平二年爲太初元將。見于王莽傳。世祖以建武三十二年爲建武中元。見于續漢志。而本紀削二字。梁之大同大通俱有中元。亦憲章于建武也。經載十二而年名不易。陳壽以美諸葛武侯。間有復古號爲元年。如魏廢帝。恭帝。周閔帝。明帝。唐肅宗。未幾仍舊。蓋春秋之義不明久矣。卽位踰年改元。古制也。劉禪。孫亮。石宏。苻生。李景。未踰年而改。世以議焉。昔惠帝改武帝。太熙爲永熙。謂欲長奉先皇之制。亦非也。議者以爲違春秋踰年書卽位之義。令史官沒之。明年正月復改年。唐順宗以貞元二十一年正月嗣位。至八月改永貞。蓋已稱太上皇。嫌于獨無紀年。故亟更之。太平興國之改元。不俟踰年。史臣謂與常例不同。又有踰年而不改元者。唐中宗仍武后神龍。代宗繼寶應。至七月。梁末帝追承乾化。晉少帝襲天福。至九年。孟昶仍父明德。漢高祖追用晉天福。隱帝仍父乾祐。愚按北漢世祖及孝和帝復用之。至九年而止。四主共一號。更前此所未有。周世宗仍太祖顯德。皆非禮之正。唐哀帝仍昭宗天祐。蓋畏朱溫而不敢云。漢獻除光熹。昭寧。永漢。梁元帝黜大寶。梁

末帝黜鳳歷。諉云繼故。晉惠後改永安。漢高祖黜開運。最爲無謂。自唐德宗慨想貞觀開元之盛。改貞元以法二祖。紀元用先代名始于唐德宗。貞元合貞觀開元之名。用李泌言。我朝因之。若淳熙、慶元、開禧之類是也。元祐之號。或謂並用元豐嘉祐而有對鉤之談。隆興欲隆紹興之治。紹熙將紹淳熙之政。詞臣草詔。乃合建隆紹興及紹興淳熙爲義。非初意矣。夫歷世無窮。而美名有盡。于是有離合之讖。有重複之嫌。如永昌隆昌爲二日。大亨爲一人二月了。天正爲二人一年而止。大保爲一大人只十。隆化爲降死。德昌爲得二日。宣政爲宇文亡日。大象爲天子冢。廣運爲軍走。大業爲大苦末。廣明爲唐去丑口。而著黃家日月。太平爲一人六十。咸字人口有戈。宣和爲一家有二日。靖康爲十二月立康。建炎爲兩火。此離合之讖也。炎興應司馬氏之名。升平有不滿斗之謠。大足若數足而則天改之。天元爲周號。昌字乃二日。而李泌議之。成字負戈。美者犬羊。亨爲子不成。而神宗避之。隆興近正隆。純熙旁作屯。而孝宗更之。治平。或謂火德不宜用水。康定。靖康。或謂其如諡法。天聖于文爲二人。明道于文爲日月。並蓋以母后之臨朝也。乾道九年而改。謂用九之數已極。純熙之易爲淳。避告成大武之語。發號告元。其謹始如此。乃若晉建興同孫劉之號。唐至德永泰襲陳齊之舊。皆惠六同漢號。一用吳號。漢哀之太初。晉元之建武。魏孝武之永興。唐肅宗之上元。皆自重一代之號。乾德、蜀號也。因宮人鑑背而後知隆興僞號也。因曾布日錄而後見建中靖國之紀元。曾肇以唐建元爲疑。欲改建字爲執字。任伯雨亦以唐爲戒。而徽宗謂梁末禪位年號太平。太宗不以爲嫌。重和犯北敵重熙之稱。一年而亟改。高孝欲用炎興乾統。以劉蜀北敵已用而更議。此重複之嫌也。至和三年而改。以至道

末年爲忌。熙寧、崇寧，或云同。劉宋陵名宣和，或云契丹宮門名。其避忌又不止于重複矣。然晉有立始長順之筮，唐有元和咸通之兆，我朝有重火之讖，是亦有數存焉。若文王以受命之年爲元年，緯書之說也。文王不宜改元而又改元。愚按詩文王正義，尙書運期授注云，周文王以二十九年受命，受命之月已是元而不改元。愚按書序云，惟十有一年，武伐。歐陽子嘗辨其妄矣。道家有延康赤明龍漢開皇之紀，上皇無極永壽之號，事不經見云。

陳繼儒優曝談餘曰：昔人云年號毋論正統僭僞，自漢武至晉，大都承襲。劉宋以後，間亦有之。自乾德後及于胡元，皆前代所未有，而實不然。余嘗總考之。

漢武建元。安建元。晉康建元。劉聰僭號建元。苻堅僭號建元。蕭齊高建元。漢武太始。晉武太始。張元覲

僭號太始。漢宣甘露。孫皓甘露。苻堅僭號甘露。漢宣黃龍。孫權黃龍。漢和永元。蕭齊東昏侯永元。

張茂僭號永元。漢成永始。桓元僭號永始。漢哀建平。石勒慕容盛慕容德皆僭號建平。光武建武。

晉元建武。石虎僭號建武。蕭齊明建武。漢明永平。拓拔恪永平。王建僭號永平。漢章建初。西涼李暹。

後蜀李特俱僭號建初。漢章元和。唐憲元和。漢和元興。孫皓元興。晉安元興。漢安永初。南宋武永

初。漢安永寧。晉惠永寧。石祗僭處永寧。漢順永建。李恂僭號永建。漢順永和。晉穆永和。牧犍僭號

永和。姚泓僭號永和。閩王延鈞僭號永和。漢沖永嘉。晉懷永嘉。漢桓建和。利鹿孤僭號建和。漢桓

元嘉。南宋文元嘉。漢桓永興。晉惠永興。苻秦堅拓拔嗣皆僭號永興。漢桓永康。晉惠永康。慕容寶乞

伏熾盤皆僭號永康。漢靈中和。唐僖中和。漢後主建興。孫亮建興。慕容垂、李雄皆僭號建興。晉武太康。遼道宗宏基太康。晉惠永安。孫休永安。張軌、拓拔攸、沮渠蒙遜皆僭號永安。晉帝奕太和。曹叡太和。禿髮烏孤、石勒、拓跋宏、李勢、楊溥皆僭號太和。又唐文太和。晉孝武太元。張駿僭號太元。晉恭元熙。劉淵僭號元熙。蕭齊和中興。拓跋朗中興。蕭梁敬太平。孫亮太平。馮跋、隋末林士宏、遼隆緒皆僭號太平。陳後主至德。唐肅至德。石晉天福。劉漢天福。宋太祖乾德。蜀衍乾德。輔公祐反江東亦號乾德。張重華、五季蠻賊張遇賢及方臘皆僭號永樂。隋翊衛郭子和亦號永樂王。元太子阿速吉八改元天順。西夏王乾順改元正德。以上皆歷歷可考。而有明襲之何也。明昌三年。太后不豫。上侍疾降慶宮。辛酉。太后崩。而穆廟襲之。朱泚僭號。改元應天。南京亦襲之。何也。昔盧多遜素與趙韓王不協。韓王爲樞密。多遜爲翰林學士。一日偶同奏事。上初改元乾德。因言此號從古未有。韓王從傍稱贊。盧曰。此僞蜀時號也。帝大驚。遽令檢史視之。果然。遂怒。以筆抹韓王面曰。汝爭得如他。韓王經宿不敢洗面。翌日奏對。帝方命洗去。若如有明年號。使宋祖見之。不知塗幾斗墨矣。

慕容氏三主同號

後燕中宗盛改元建平。與西燕慕容瑤、南燕世宗德同。蓋當時疆宇阻隔。不相通問。因至重複爾。若後世孫蒙祖號。以爲繼述。則不典甚矣。

三字號

新王莽始建國。梁高祖中大通。中大同。蒙詔閣羅鳳贊普鍾。

四字號

漢哀帝太初元將。世祖建武中元。元魏世祖太平真君。唐武后天册萬歲。萬歲登封。萬歲通天。譙王重福。中元克復。宋太宗太平興國。宋真宗大中祥符。徽宗建中靖國。西夏毅宗延嗣寧國。天祐垂聖。福聖承道。惠宗天安禮定。崇宗天儀治平。天祐民安。外國長和。僞肅文帝鄭旻。天瑞景星。大理僞秉義帝明通天聖。交趾王乾德彰聖嘉慶。日本孝謙天皇天平勝寶。天平寶字。明白蓮賊馬相圓明大寶。又大理神宗天開仁壽。

六字號

西夏景宗天授禮法延祚。惠宗天賜禮盛國慶。大理僞宣武帝降舜貞明承智大同。

年號之異

西夏毅宗禪都。蒙詔閣羅鳳贊普鍾。僞宣武帝降舜嗟耶。

李雄

華陽國志載雄二號。太武。晏平。無建興。玉衡。晉書載雄三號。建興。太武。玉衡。無晏平。今從通鑑所書。

李期

李雄改元玉衡。其子立。復改玉恒。衡與恒音相近。當時建元之義安在。考華陽國志。無玉衡。有玉恒。豈玉衡爲期所改。而江左傳聞之誤。以爲雄耶。抑或期未嘗改元。如五代諸主仍稱先號耶。正史不載。闕疑可。

也。

劉曜

魏收魏書載曜得黑兔改年太和。然紀年太和者。石高祖勅也。曜號光初。訖年十二。無改元太和事。當時同國號趙。又境土相接。傳聞繆戾。收因誤書爾。

西魏

西魏二主廢帝恭帝俱不改元。時初行周禮。去年號。宇文受禪。閔帝復因之。

歷代建元類考

上平聲

一東

中元。漢景帝。六。

南唐元宗瑒。
南詔孝哀帝舜化貞。

中大通。南梁高祖武帝。六。

鴻嘉。漢成帝。四。

隆和。晉哀帝。一。

隆化。北齊後主溫公緯。一。

隆基。遼天祚帝天慶六年。
裨將渤海高永昌。

通聖。隋恭帝侑義寧元年。
桂陽人曹武微。

同光。後唐莊宗。四。

崇寧。宋徽宗。五。

崇禎。明懷宗。十七。

中平。漢靈帝。六。

中和。唐僖宗。四。

中大同。南梁高祖武帝。一。

鴻濟。新羅眞興王麥興。

隆安。晉安帝。五。

隆緒。北魏肅宗孝昌三年。
雍州刺史蕭寶實。

隆慶。明穆宗。六。

通正。前蜀高祖建。一。

同要。日本欽明天皇。

崇福。西遼承天太后普速完。
正閏考又有重德一號。

中興。四燕慕容永。南齊和帝。一。北
魏安定王朗。渤海成王大華嶼。

中統。元世祖。四。

中元克復。唐睿宗景雲元年。譙王重福。

隆昌。南齊鬱林王。

隆興。宋孝宗。二。
宋徽宗崇寧。年國子博士趙鼎。

通文。國康宗昶。四。

同慶。子闡王李聖天。

崇慶。金衛紹王允濟。一。

洪武 明太祖·三十一·

洪熙 明仁宗·一·

洪順 安南靈隱王黎暉·

二冬

龍興 漢更始二年·成公孫述·後趙石虎建武三年·安定侯子光·宋李子揚·南詔幽王勸龍晟·大理景宗段正興·

龍升 夏世祖赫連勃勃·六·

龍飛 後涼太祖呂光·四·

龍朔 唐高宗·三·

龍紀 唐昭宗·一·

龍德 朱梁均王瑱·三·

龍啓 閩惠宗麟·二·

龍鳳 元順帝至正十五年·宋主韓林兒·

雍熙 宋太宗·四·

雍寧 西夏崇宗乾順·五·

重和 宋徽宗·一·

重德 宋廖森·一傳西遼感天后·

重熙 遼興宗宗眞·二十四·

重光 安南陳簡定子季擴·

從貴 日本推古天皇·

四支

綏和 漢成帝·二·

熹平 漢靈帝·六·

熙平 北魏肅宗孝明帝詡·二·

熙寧 宋神宗·十·

儀鳳 唐高宗·三·

垂拱 唐武后·四·

師安 日本欽明天皇。

倭京 日本推古天皇。

蘇秦 唐吐蕃可黎可足贊普。

六魚

初元 漢高宗元帝·五。

初歷 長和肅文帝鄭旻。

居攝 漢孺子嬰·二。

如意 唐武后·一。

七虞

朱雀 日本天武天皇。
渤海僖王大言義。

十灰

開皇 隋高祖文帝·二十。

開曜 唐高宗·一。

開平 後梁太祖晁·四。

開禧 宋寧宗·三。

初始 漢孺子嬰·一。

初平 漢獻帝·四。

朱鳥 日本天武天皇。

開明 隋恭帝侗皇泰二年·鄭王世充。
大理中宗段正淳。

開元 唐元宗·二十九。

開運 後晉齊王重貴·三。
西夏景宗曩霄·一。

開慶 宋理宗·一。

開成 唐文宗·五。

開寶 宋太祖·九。

開泰 遼聖宗隆緒·九。

開興 金哀宗守緒·四月·

開熙 明夏後主歸義侯明昇·

開大 安南王黎季犛·

十一真

神爵 漢中宗宣帝·四·

神鳳 吳大帝權·一·
晉惠帝太安二年·義陽蠻張昌·

神鼎 後涼建康公呂隆·三·
丁零王翟勰·

神璽 北涼王段業·二·

神瑞 北魏太宗明元帝嗣·二·

神廡 北魏世祖大武帝燾·四·

神龜 北魏肅宗孝明帝詡·二·

神獸 北魏敬宗永安二年·
萬俟醜奴·

神嘉 北魏肅宗孝昌元年·
稽胡劉蠡升·

神功 唐武后·一·

神龍 唐中宗·二·

神冊 遼太祖德·六·

神歷 遼梁王雅里·

神武 安南感帝李日尊·
大理太祖段思平·

麟嘉 漢烈宗劉聰·三·
後涼太祖呂光·七·

麟德 唐高宗·二·

真王 北魏肅宗正光四年·
沃野鎮民破六韓拔陵·

仁平 新羅善德女主德曼·

真興 夏世祖赫連勃勃·七·

仁壽 隋高祖文帝·四·

仁安 渤海武王大武藝·

仁至 日本推古天皇·

仁治 日本四條院天皇·

秦興 隋煬帝大業十三年·
西秦僞武帝薛舉·

淳化 宋太宗·五·

淳熙 宋孝宗·十六·

淳祐 宋理宗·十二·

人知 宋雷進·

人慶 西夏仁宗仁孝·五·

十二文

文明 唐武后。

文德 唐僖宗。大理太祖段思平。

文安 大理中宗段正淳。

文治 日本後鳥羽院天皇。玉海或曰治棟。

文歷 日本後堀河院天皇。

文應 日本龜山院天皇。

文永 日本龜山院天皇。

文祿 日本。

十三元

元光 漢世宗武帝。六。金宣宗珣。二。

符秦太宗太初八年。丞相竇衝。

元朔 漢世宗武帝。六。

元狩 漢世宗武帝。六。

元鼎 漢世宗武帝。六。

元封 漢世宗武帝。六。

元鳳 漢昭帝。六。

元平 漢昭帝。一。

元康 漢中宗宣帝。四。晉惠帝。九。

元延 漢成帝。四。

元壽 漢哀帝。二。

元始 漢平帝。五。

元和 漢肅宗章帝。三。安南主黎寧。

唐憲宗。十五。

元興 漢和帝。一。晉安帝。三。吳嗣命侯皓。一。定安國王烏元明。

元初 漢安帝。六。

元嘉 漢桓帝。二。劉宋太祖。三十。

元熙 晉恭帝。二。漢高祖劉淵。四。

元璽 燕烈祖慕容儁。五。

元徽 劉宋蒼梧王。五。

元象 東魏孝靜帝善見。一。

元豐 宋神宗。八。

元祐 宋哲宗。八。

元符 宋哲宗。三。

元德 西夏崇宗乾順。七。日本。

元統 金衛紹王至寧元年。遼人耶律訖哥。元順帝。二。

元貞 元成宗。二。

元慶 日本清和天皇。

元永 日本鳥羽院天皇。

元歷 日本後鳥羽院天皇。

元久 日本土御門院天皇。

元仁 日本後堀河院天皇。

元宏 日本。

元亨 大理宣宗段智興。

尊聖 長和臣大義寧楊干真。

十四寒

安樂 隋煬帝大業十三年。
涼王李軌。

安貞 日本後堀河院天皇。

乾封 唐高宗。

端拱 宋太宗。

端政 日本崇俊天皇。

寬仁 日本後一條院天皇。

寬宏 日本。

寬永 日本。

下平聲

一先

先天 唐元宗。

天漢 漢世宗武帝。
前蜀高祖建。

安和 日本冷泉天皇。
長和肅文帝鄭晏。

安國 長和德桓帝鄭買嗣。

端平 宋理宗。

端慶 安南厲愍王黎誼。

寬喜 日本後堀河院天皇。

寬和 日本。
明熹宗天啓五年。紅夷。

安元 日本高倉院天皇。

安定 大理宣宗段智興。

端懿 宋仁宗皇祐元年。
廣源州蠻儂智高。

寬元 日本後嵯峨院天皇。

寬治 日本。

天鳳 漢僞新王莽。

天册 吳歸命侯皓。
一傳唐董昌。

天璽

吳歸命侯皓·一·北涼王段業·三·一作六璽

天紀

吳歸命侯皓·四·

天監

梁高祖武帝·十八·

天正

梁豫章王棟·梁武陵王紀·金世宗大定元年·契丹移刺窩幹·

天成

梁建安公蕭淵明·一傳·隋高祖開道·唐肅宗至德二載·安慶緒·

後唐明宗·四·一傳·金山王子·見高麗史·

天啓

梁永嘉王莊·北魏肅宗孝昌元年·天完主徐壽輝·明熹宗·七·

天興

北魏太祖武帝珪·六·隋煬帝大業十三年·定楊王劉武周·金哀宗守緒·三·

天嘉·陳世祖文帝·六·

天康

陳世祖文帝·一·

天安

北魏顯祖獻文帝宏·一·唐武后·二·高麗太祖神聖王建·

金熙宗皇統元年·蒙古熬羅學極烈·安南王黎琮·

天賜

北魏太祖武帝珪·六·

天授

北魏肅宗孝昌二年·陳郡民劉獲·

天平·東魏孝靜帝善見·四·日本聖武天皇·

天授

北魏肅宗孝昌二年·陳郡民劉獲·二十六·大理中宗段正淳·

天建

北魏肅宗正光五年·秦州民莫折太提及子念生·

天統·北魏敬宗永安元年·北平府主簿邢昺·

天和

北周高祖武帝邕·六·

天壽

隋恭帝侗皇泰元年·宇文化及·

天保·北齊後主高澄·五·明夏先主明玉珍·

天明

唐高祖武德六年·宋主輔公祏·

天造

唐高祖武德五年·漢東王劉黑闥·

天寶·唐元宗·十五·吳越王錢鏐·

天復

唐昭宗·三·遼天祚帝保大三年·奚主回鹮保·

天祐

唐昭宗·一·

天祐·明吳王張士誠·大理主段正明·

天會

北漢孝和帝鈞·十二·金太宗晟·十三·

天祐

唐德宗建中四年·朱泚·

天福·後晉高祖敬瑭·七·日本後堀河院天皇·

天德

閩州王延政·二·金海陵煬王亮·四·

天祐

宋真宗·五·遼末主真古魯·

天德·金宣宗貞祐四年·遼人金山·見高麗史·

天祐

宋真宗·五·遼末主真古魯·

天祐

宋真宗·五·遼末主真古魯·

天祐·金宣宗貞祐四年·遼人金山·見高麗史·

天祐

宋真宗·五·遼末主真古魯·

天祐

宋真宗·五·遼末主真古魯·

天聖。宋仁宗。九。
安南王黎季犛。

天載。宋高宗建炎四年。
鼎州民鍾相。

天戰。宋陳萬。

天盛。西夏仁宗仁孝。二十一。

天贊。遼太祖億。四。

天顯。遼太祖億。一。

天祿。遼世宗元。五。

天慶。遼天祚帝延禧。十。
穩大延琳。日本朱雀院天皇。西夏桓宗純祐。十三。

天嗣。遼天祚帝保大三年。
都統蕭幹。

天輔。金太祖旻。七。

天眷。金熙宗亶。三。

天泰。金宣宗貞祐三年。
宣德彌鮮萬奴。

天威。金末遼人耶厮不。

天順。金宣宗貞祐三年。
益都賊楊安見。元幼主阿速吉。八。明英宗。八。

天歷。元文宗。二。
日本。

天元。北元脫脫不花。
日本。

天定。元順帝至正十一年。
大理主段興智。天完王徐壽輝。

天長。日本清和天皇。

天喜。日本。

天政。日本。

天應。長和末主鄭隆夏。
明安南賊陳鵬。

天開。高麗仁宗恭孝王禧。
十三年。妖僧妙清。

天冊萬歲。唐武后。

天祐垂聖。西夏毅宗諒祚。三。

天安禮定。西夏惠宗秉常。一。

天儀治平。西夏崇宗乾順。四。

天祐民安。西夏崇宗乾順。八。

天平勝寶。日本孝謙天皇。

天平寶字。日本孝謙天皇。

天瑞景星。長和肅文帝鄭晏。

天開仁壽。大理神宗段智祥。

天授禮法延祚。西夏景宗曩霄。十一。

天賜禮盛國慶。西夏惠宗秉常。五。

延平。漢孺帝。一。
後燕趙王慕容麟。

延光。漢安帝。四。

延熹。漢桓帝。九。

延康·漢獻帝·一·隋煬帝大業十三年·梁王沈法興·傳楚主林士宏·見唐祖實錄·
元世祖至元二十年·廣州新會民林桂方·作建康·

延熙·漢後主·二十·後趙海陽王石宏·一·延初·苻秦末主崇·一·延興·南齊海陵恭王·北魏高祖孝文帝宏·五·

延和·北魏世祖太武帝濬·三·延昌·北魏世宗宣武帝恪·四·延載·唐武后·一·

延慶·西遼德宗大石·三·延祐·元仁宗·七·延歷·日本桓武天皇·

延長·日本醍醐天皇·延應·日本四條院天皇·延久·日本·

延祥·高麗·延嗣寧國·西夏毅宗諒祚·一·乾符·唐僖宗·六·

乾明·北齊廢帝濟南王殷·一·乾元·唐肅宗·二·乾化·後梁太祖晃·二·乾祐·後漢高祖龔·一·西夏仁宗仁孝·二十四·

乾寧·唐昭宗·四·乾和·南漢中宗晟·十六·乾貞·吳睿帝溥·二·自杞蠻宋淳熙三年·

乾亨·南漢高祖龔·八·遠景宗賢·四·乾興·宋眞宗·一·大理敬明帝段素廉·

乾德·前蜀順正公衍·六·宋太祖·五·乾定·四夏獻宗德旺·四·乾道·宋孝宗·九·西夏惠宗秉常·二·

乾統·遼天祚帝延禧·十·宣和·宋徽宗·七·宣光·元昭宗愛猷識理達臘·十一·

宣政·北周高祖武帝邕·一·宣德·明宣宗·十·

燕興。四燕濟北王慕容泓。

玄始。北涼太祖沮渠蒙遜。十六。

圓明大寶。明妖僧馬相。

賢接。日本敏達天皇。

全義。南詔靖王勸利晟。

二蕭

調露。唐高宗。一。

昭寧。漢宏農王。

三肴

交泰。南唐元宗璟。

五歌

河平。漢成帝。四。

和平。漢桓帝。一。涼長寧侯張祚。

和僧。日本欽明天皇。

羅平。唐懿宗咸通元年。浙東賊裘甫。宋僧王法師思。

嵯耶。南詔宣武帝隆舜。

河清。北齊世祖武成帝湛。四。

六麻

嘉平。魏齊王芳。六。漢烈宗劉聰。四。

嘉寧。成漢歸義侯李勢。二。

嘉泰。宋寧宗。四。

嘉靖。明世宗。四十五。

嘉承。日本。

嘉會。大理宣宗段智興。

嘉興。西涼公李歆。四。

嘉定。宋寧宗。十七。

嘉祚。日本後堀河院天皇。

嘉元。日本。

嘉禾。吳大帝權。六。

嘉祐。宋仁宗。八。

嘉熙。宋理宗。四。

嘉禎。日本四條院天皇。

嘉歷。日本。

七陽

陽朔。漢成帝。四。

章和。漢肅宗章帝。二。

彰聖。嘉慶。安南王李乾德。

光初。漢靈帝。六。

光興。漢烈宗劉聰。一。

光始。後燕昭文帝慕容熙。六。

光啓。唐僖宗。三。

陽嘉。漢順帝。四。

章武。漢昭烈帝。三。

光熹。漢宏農王。

光初。趙主劉曜。十二。

光大。陳臨海王。二。

光化。唐昭宗。三。

光熙。晉惠帝。一。

光壽。燕烈祖慕容皝。四。

光宅。唐武后。一。

光天。前蜀高祖建。一。

南漢高祖。二。

光定 西夏神宗遵頊 十三。

光泰 安南王陳日曉

光順 安南聖宗黎瓏。

光紹 安南王黎聽。
筆應作光照。

光德 高麗光宗。

光元 日本推古天皇。

皇始 秦高祖苻健。四。

皇初 後秦高祖姚興。五。

皇興 北魏顯祖獻文帝宏。五。

皇建 北齊肅宗孝昭帝珽。二。

皇泰 隋恭帝侗。二。

皇祐 宋仁宗。五。

皇統 西夏襄宗安全。二。

皇慶 元仁宗。二。

黃龍 漢中宗宣帝。一。吳大帝權。三。

黃初 魏世祖丕。七。

黃武 唐肅宗上元二年。梓州刺史段子璋。

長樂 後燕中宗慕容盛。二。

長壽 唐武后。二。南詔神武王閣羅鳳。

長安 唐武后。四。

長慶 唐穆宗。四。

長興 後唐明宗。四。

長德 日本一條院天皇。

長歷 日本朱雀院天皇。

長寬 日本二條院天皇。

長和 日本。

昌武 夏世祖赫連勃勃。一。

昌平 西燕慕容沖將段隨。

昌達 隋煬帝大業十一年。楚王朱粲。

昌泰 日本醍醐天皇。

唐隆 唐廢帝重茂。一。

康定 宋仁宗。一。

康國 西遼德宗大石。十。

康保 日本封上天皇。

康平 日本後冷泉院天皇。

康和 日本堀河院天皇。

康元 日本後深草院天皇。

祥興。宋衛王。二。

王霸。唐僖宗廣明元年。黃巢。

藏和。日本欽明天皇。

常邕。日本孝德天皇。

八庚

庚子。西涼太祖李嵩。五。

征和。漢世宗武帝。四。

禎明。陳後主長城公。三。

明政。隋煬帝大業十一年。吳王李子通。

明道。宋仁宗。二。

明正。大理應道帝段素順。

明治。大理昭明帝段素英。玉海作明統。

貞觀。唐太宗。二十三。西夏崇宗乾順。十三。

貞祐。金宣宗珣。四。長和肅文帝鄭閔。

貞明承智大同。南詔宣武帝隆舜。

庚戌。宋高宗紹興三年。楊幺。

明德。後蜀高祖知祥。大理主段思聰。大理昭明帝段素英。

明受。宋高宗建炎三年。太子勇。明昌。金章宗璟。六。

明應。大理昭明帝段素英。明聖。大理昭明帝段素英。

明通。天聖。大理敬明帝段素廉。

貞元。唐德宗。二十一。金海陵煬王亮。三。貞明。朱梁均王瑱。六。

貞應。日本後堀河院天皇。貞永。日本後堀河院天皇。

鳴鳳 隋煬帝大業十三年·梁王蕭銑·

清泰 後唐潞王·三·

清寧 遼道宗洪基·十·

成化 明憲宗·二十三·

平趙 前趙劉曜光初三年·
巴酋句退知·

平都 東魏孝靜帝天平三年·
汾州胡王暹稱·

平定 明妖賊段鍾·

平治 日本高倉院天皇·

兄弟 日本欽明天皇·

九青

青龍 魏烈祖明帝觀·四· 後趙義陽王石鑒·
後燕烈宗永康三年· 蘭汗·

寧康 晉烈宗武帝·三·

丁丑 隋煬帝大業十一年·
夏王寶建德·

十蒸

興平 漢獻帝·二·
南齊世祖永明四年· 富陽民唐寓之·

興安 北魏高宗文成帝濬·二·
興光 北魏高宗文成帝濬·一·

興和 東魏孝靜帝善見·四·

興元 唐德宗·一·

興定 金宣宗珣·五·

興隆 金宣宗貞祐三年· 張致·
元史作興龍·

興源 長和臣大天興趙善政·
後唐明宗天成三年·

興慶 安南陳氏臣· 大越簡
定明· 成祖永樂六年·

興勝 明妖賊徐鴻儒·

升平 晉孝宗穆帝・五。

昇明 劉宋順帝・三。

昇元 南唐烈祖昇・七。

承光 夏王赫連昌・四。
北齊幼主恒・一。 魏書作永光。

承康 後涼太祖呂光・一。

承玄 北涼太祖沮渠蒙遜・三。

承平 北魏南安王余・一。
日本朱雀院天皇。

承明 北魏高祖孝文帝宏・一。

承聖 南梁世祖元帝繹・三。

承安 金章宗璟・五。
日本高倉院天皇。

承元 日本上御門院天皇。

承安 日本高倉院天皇。

承保 日本白河院天皇。

登國 北魏太祖武帝珪・十。

宏始 後秦高祖姚興・十八。

承久 日本順德院天皇。

宏昌 南涼景王禿髮傉檀・三。

宏治 明孝宗・十八。

宏長 日本龜山院天皇。

宏道 唐高宗・一。

僧聽 日本宣化天皇。

宏要 日本舒明天皇。

宏安 日本。

十一尤

收國 金太祖旻・二。

十二侵

金統 唐僖宗廣明元年・黃巢。

金光 日本欽明天皇。

十三覃

甘露。漢中宗宣帝。四。魏高貴鄉公髦。五。吳歸命侯皓。一。

秦世祖苻堅。六。遼人皇王義宗倍。六。

十四鹽

炎興。漢後主。一。

添元。明蒙古七先。一。

十五咸

咸熙。魏元帝奂。二。

咸康。晉顯宗成帝。八。前蜀順正公衍。一。

咸通。唐懿宗。十四。

咸雍。遼道宗洪基。十。

上聲

一董

總章。唐高宗。二。

二腫

拱化。西夏毅宗諒祚。六。

咸寧。晉世祖。五。後涼靈帝呂纂。三。

咸安。晉太宗簡文帝。二。

咸平。宋真宗。六。

咸清。西遼感天后塔不煙。七。

咸和。晉顯宗成帝。九。渤海王大紇震。

咸亨。唐高宗。四。

咸淳。宋度宗。十。

四紙

始元。漢昭帝·六·

始平。長和肅文帝鄭曼·
柔然佗汗可汗伏圖·

始光。北魏世祖太武帝濬·四·

始建國。漢新王莽·五·

始興。隋煬帝大業十一年·燕王高開道·
隋煬帝大業十二年·元興王操師乞·

七慶

武泰。北魏肅宗孝明帝詡·一·

武定。東魏孝靜帝善見·八·
北周世宗明帝毓·二·

武平。北齊後主湓公綽·六·
北齊范陽王紹義·

武成。北周世宗明帝毓·二·
前蜀高祖建·三·

唐德宗興元元年·李希烈·

武德。唐高祖·九·

武義。吳高祖隆演·一·

魯興。北魏肅宗孝昌二年·五原降戶鮮于修禮·

五鳳。漢中宗宣帝·四· 吳會稽王亮·二·
隋煬帝大業十一年·夏主竇建德·

普通。南梁高祖武帝·七· 普嘉。北魏節愍帝恭·一· 應作魯泰·

八薺

啓歷。宋仁宗皇祐元年·廣源州蠻儂智高·

十賄

載初。唐武后·一·
唐肅宗爭德二載·安慶緒·

十三阮

建元。漢世宗武帝·六。晉康帝·二。漢烈宗劉聰·一。秦世祖苻堅·二十一。南齊太祖高宗·四。新羅法興王原宗·二十七。

建昭。漢高宗元帝·五。建始。漢成帝·四。晉惠帝永康二年·趙王倫。後燕昭文帝慕容熙·一。後燕開封公慕容詳·三月。

建平。漢哀帝·四。後趙高祖石勒·四。後燕中宗慕容盛·一。西燕慕容瑤·南燕世宗慕容德·六。劉宋世祖孝建元年·豫州刺史魯爽。北魏京兆王愉·北魏太宗神瑞二年·河西飢胡白亞栗斯。

建武。漢世祖·三十一。晉惠帝·一。晉中宗元帝·一。後趙太祖石虎·十四。西燕慕容忠南齊高宗明帝·四。北魏北海王顥。

建世。漢世祖建武元年·劉盆子。建初。漢肅宗章帝·八。後秦太祖姚萇·八。成始祖李特·一。西涼太祖李暠·十三。

建光。漢安帝·一。建康。漢順帝·一。西晉南陽王元保。丁零翟遼。

建和。漢桓帝·三。建寧。漢靈帝·四。建安。漢獻帝·二十四。南涼康王禿髮利鹿孤·三。晉愍帝·四。成太宗。大理主段正昂。

建興。漢後主·十五。吳會稽主亮·二。晉愍帝·四。成太宗。李雄·二。後燕世祖慕容垂·十一。渤海宣王大仁秀。

建昌。符秦高祖皇始二年·張瑀。建熙。燕幽帝慕容暉·十一。建明。西燕慕容顛·北魏東海王暉。柔然豆羅伏拔豆代可汗醜奴。建熙。燕幽帝慕容暉·十一。建明。北魏世祖正平三年·秦州主簿呂苟兒。

建義。西秦烈祖乞伏國仁·四。劉宋太祖元嘉十三年·仇池氏王楊難當。南齊東昏侯永光二年·巴西民雍道暉。北魏敬宗孝莊帝子攸·一。

建宏。西秦太祖乞伏熾盤·九。建國。北魏高祖昭成帝什翼健·三十九。建德。北周高祖武帝邕·六。

建中。唐德宗·四。建貞。唐僖宗光啓二年·襄王熾。

建炎。宋高宗·四。建福。北遼宣宗淳。建文。明惠宗·四。

建久 日本後鳥羽院天皇。

建仁 日本上御門院天皇。

建永 日本上御門院天皇。

建歷 日本順德院天皇。

建保 日本順德院天皇。

建長 日本後深草院天皇。

建治 日本。

建極 南詔景莊帝世隆。一作建樞。建武中元 漢世祖武帝。二。

建中靖國 宋徽宗。一。

本始 漢中宗宣帝。四。

本初 漢質帝。一。

十六銑

顯慶 唐高宗。五。

顯聖 唐肅宗上元二年。史朝義。

顯德 後周太祖威。一。

善化 日本繼體天皇。

十七篠

紹漢 魏烈祖景初元年。遼東公孫淵。

紹泰 南梁敬帝。一。

紹聖 宋哲宗。四。一傳安南王黎季犛。

紹興 宋高宗。三十二。西遼仁宗夷烈。

紹熙 宋光宗。五。

紹定 宋理宗。六。

紹隆 安南靈王陳光昺。

紹寶 安南英王陳日煚。

紹成 安南王黎季犛。一作紹聖。

紹平 安南太宗黎麟。

十九皓

寶鼎 吳歸命侯皓。三。

寶應 唐肅宗。一。

寶歷 唐敬宗。二。

寶勝。唐肅宗寶應元年。
浙東賊袁晁。

寶大。吳越武肅王錢鏐。

寶正。吳越武肅王錢鏐。
一作保貞。

寶元。宋仁宗。二。

寶慶。宋理宗。三。

寶祐。宋理宗。六。

寶龜。日本光仁天皇。

寶象。安南王陳日尊。

保定。北周高祖武帝邕。五。

保大。南唐元宗璟。十五。
遼天祚帝延禧。五。

保寧。遼景宗賢。十。

保安。日本鳥羽院天皇。
大理世宗段思廉。

保延。日本崇德院天皇。

保元。日本高倉院天皇。

保和。南詔昭成王晟豐祐。

保立。大理主段正明。

保天。大理憲宗段正嚴。

道隆。大理孝義帝段祥興。

二十一養

上元。唐高宗。二。肅宗。二。
南詔孝恒王異牟尋。

上願。梁高祖大同元年。
鄱陽賊鮮于琛。

上德。大理主段連義。

上明。大理主段壽輝。

上治。大理臣大中國高昇泰。宋哲宗元符二年。

養老。日本元正天皇。

養和。日本安德天皇。

二十二梗

永光。漢高宗元帝。五。劉宋前廢帝。
劉宋世祖孝建二年。雍州刺史武昌王渾。

永始。漢成帝。四。
晉安帝元興二年。楚王桓元。

永平。漢顯宗明帝。十八。晉惠帝。一。
北魏世宗宣武帝恪。四。
隋煬帝大業十三年。蒲山公李密。
(見河洛記)。前蜀高祖建。五。

永元。漢和帝。十六。南齊東昏侯。三。

永初。漢安帝。七。劉宋高祖。三。

永寧。漢安帝。一。晉惠帝。一。後趙新興王石祗。二。

永和。漢順帝。六。晉孝宗穆帝。十二。後秦主姚泓。二。

北涼哀王沮渠牧。七。閩惠宗麟。一。

永興。漢桓帝。二。晉惠帝。二。後趙魏武悼天王冉閔。三。

秦世祖苻堅。二。北魏太宗明元帝嗣。五。

永壽。漢桓帝。三。

永康。漢桓帝。一。晉惠帝。一。後燕烈宗慕容寶。三。

西秦太祖乞伏熾盤。八。柔然受羅部眞可汗予成。

永漢。漢獻帝。一。南梁高祖大同八年。安成望族劉敬躬。北涼太祖沮渠蒙遜。十。

永安。吳景帝休。七。晉惠帝。一。北魏敬宗孝莊帝子攸。三。西夏崇宗乾順。三。

永鳳。漢高祖劉淵。一。

永熙。晉惠帝。一。北魏孝武帝修。三。

永昌。晉中宗。一。唐武后。一。

永宏。西秦王乞伏慕末。四。

永明。南齊世祖武帝。十一。永泰。南齊高宗明帝。一。唐代宗。一。

永定。陳高祖武帝。三。

永隆。隋煬帝大業十三年。梁王梁師都。唐高宗。一。閩景宗曦。六。

永徽。唐高宗。六。

永淳。唐高宗。一。永貞。唐順宗。一。大理景宗段正興。

永樂。南漢暎帝光天元年。博羅縣妖賊張遇賢。明成祖。二十二。一傳涼敬烈公張重華。宋徽宗宣和二年。睦州民方臘。

永久。日本。

永延。日本守平天皇。

永保。日本。

永歷。日本高倉院天皇。

永萬。日本。

永然。日本。

永鎮 日本

、永德 渤海定王大元瑜

景耀 漢後主 五

景初 魏烈祖叡 三

景元 魏元帝奂 四

景平 劉宋營陽王 二

景和 劉宋前廢帝 一

景明 北魏世宗宣武帝恪 四

景龍 唐中宗 四

景雲 唐睿宗 二

景福 唐昭宗 二

景德 宋眞宗 四

景祐 宋仁宗 四

景定 宋理宗 五

景炎 宋端宗 三

景瑞 宋仁宗皇祐元年
廣源州儂智高

景泰 明代宗 七

景統 安南王黎暉

靖康 宋欽宗 二

二十五有

後元 漢太宗文帝 七 景帝 三 世宗武帝 二

壽光 苻秦越厲王生 三

壽隆 遼道宗洪基 七

壽永 日本安德天皇

久視 唐武后 一

久壽 日本

久安 日本

丑平 隋煬帝大業十一年 永樂王郭子和

阜昌 宋高宗建炎四年 僞齊帝劉豫

去聲

一送

鳳皇

吳歸命侯皓·三·晉海西公太和五年·唐漢妖賊李金銀李宏·涼王張大儒·一·

鳳鳴

梁王蕭銑·

鳳歷

朱梁鄆王友珪·大理亨大帝段智遠·

鳳翔

夏世祖赫連勃勃·五·

二宋

統和

遼聖宗隆緒·二十九·

統元

安南恭帝黎惠·

頌轉

日本推古天皇·

四真

地節

漢中宗宣帝·四·

地皇

漢新王莽·四·

義熙

晉安帝·十四·

義嘉

劉宋晉安王子助·

義寧

隋恭帝侑·二·

義和

北涼太祖沮渠蒙遜·三·

至德

陳後主·四·唐肅宗·二·

至道

宋太宗·三·

至寧

金衛紹王允濟·一·

至元

元世祖·三十二·元順帝·六·

至治

元英宗·三·

至順

元文宗·三·

嗣聖

唐中宗·二月·

至正

元順帝·二十八·

致和

元泰定帝·一·

致治

大理主段思良·

治平。宋英宗。四。元順帝至正十三年。天完徐壽輝。

治象。日本。

治承。日本高倉院天皇。

利貞。大理宣宗段智興。

五末

貴樂。日本欽明天皇。

九泰

泰始。晉世祖。十。劉宋太宗明帝。七。劉宋太祖元嘉九年。蜀賊趙廣。

泰豫。劉宋太宗。一。

泰常。北魏太宗明元帝嗣。八。泰和。金章宗璟。八。

泰定。元泰定帝。四。明陳鑑。一。

泰昌。明光宗。一。泰貞。安南肅宗黎敬。

泰寧。安南王李乾德。

太初。漢世宗武帝。四。秦太宗苻登。九。南涼烈祖秃髮烏孤。西秦高祖乞伏乾歸。十三。劉宋元凶太子劭。

太始。漢世宗武帝。四。梁太宗大寶三年。侯景。

渤海簡王大明忠。一傳涼敬悼公張元靚。太和。魏烈祖叡。六。晉海西公奕。六。後趙高祖石勒。二。北魏高祖孝文帝宏。二十三。

太元。吳大帝。一。晉烈宗武帝。二十一。一傳涼忠成公張駿。

吳睿帝溥。六。日本持統天皇。新羅眞德女王勝曼。安南王黎濬。

太平。吳會稽王亮。三。晉惠帝永寧元年。益州刺史趙廞。北燕太祖馮跋。二十二。南梁敬帝。二。隋煬帝大業十二年。楚主林士宏。(高祖實錄作延康。)宋李婆伽。柔然伏古敦可汗豆歸。遼聖宗隆緒。十一。

太康。晉世祖。十。遼道宗洪基。十。太熙。晉世祖。一。

太安。晉惠帝。二。符秦哀平帝丕。二。一傳後涼太祖呂光。

- 北魏高宗文成帝濬·五·
柔然俟其伏代庫者可汗那蓋·
- 太興·晉中宗·四·
北燕昭成帝馮宏·六·
- 太延·北魏世祖太武帝彧·五·
- 太寧·晉肅宗·三·
北齊世祖武成帝湛·一·
- 太上·南燕北海王慕容超·六·
- 太延·北魏世祖太武帝彧·五·
- 太昌·北魏孝武帝修·一·
- 太清·南梁高祖武帝·三·
一傳涼悼公張天錫·
- 太建·陳高宗宣帝·十三·
- 太極·唐睿宗·一·
- 太初元將·漢哀帝·二月·
- 太平眞君·北魏世祖太武帝彧·十一·
- 太平興國·宋太宗·八·
- 大亨·晉安帝元興二年·楚王桓元初號·
- 大安·後涼太祖呂光·三·
金衛紹王允濟·三·
遼道宗洪基·十·
西夏惠宗秉常·十一·
- 大興·北燕昭成帝馮宏·六·
渤海文王大欽茂·
- 大同·南梁高祖武帝·二·
南漢南越王鋹·十四·
日本文武天皇·
- 大通·南梁高祖武帝·二·
- 太寶·梁太宗簡文帝·二·
安南太宗黎·明蔡伯貴·
- 大德·梁高祖大同十年·交趾李賁·
元成宗·十一·
西夏崇宗乾順·五·
- 大統·四魏文帝寶炬·十七·
- 大成·北周宣帝瑩·一·
- 大象·北周靜帝闡·二·
- 大定·北周靜帝闡·一·
後梁中宗宣帝·八·
金世宗宗·二十九·
- 大業·隋煬帝·十四·
- 大世·隋煬帝大業十年·
延安賊帥劉迦論·
- 大足·唐武后·一·
- 大和·唐文宗·九·
- 大歷·唐代宗·十四·
宋仁宗皇祐元年·廣源州蠻儂智高·
- 大有·南漢高祖龔·十四·
- 大中·唐宣宗·十三·
- 大順·唐昭宗·二·
- 大觀·宋徽宗·四·
- 大慶·四夏景宗曩霄·二·
西夏仁宗仁孝·四·
- 大義·元順帝至正二十八年·漢主陳友諒·

大治·日本·

大正·安南王莫登庸·

大中祥符·宋眞宗·九·

會昌·唐武宗·六·

會同·遼太宗德光·九·

十二震

順天·唐肅宗乾元二年·史思明·唐昭宗乾寧二年·大越羅平黃昌·
金宣宗貞祐二年·泗水人郝定·安南太祖黎利·
順義·吳睿帝溥·六·

進通·唐高祖武德六年·雋州人

王摩沙·

十四願

萬曆·明神宗·四十八·

萬歲登封·唐武后·

萬歲通天·唐武后·一·

十五翰

漢安·漢順帝·二·

漢復·漢淮陽王更始元年·成紀隗囂·漢昌·漢少主劉粲·一月·

漢興·成漢中宗李壽·六·

贊普鐘·南詔神武王閣羅鳳·

十六諫

晏平·成太祖李雄·五·

十七霰

見龍。南詔孝恒王異牟尋。

十九效

孝建。劉宋世祖。三。

孝昌。北魏肅宗孝明帝詡。三。

孝基。北魏北海王顥。

孝治。長和肅文帝鄭旻。

二十一禡

化順。宋真宗咸平三年。益州卒王均。

二十三漾

廣安。北魏肅宗孝昌二年。鮮于修禮黨葛榮。大理主段連義。

廣德。唐代宗。二。大理主段思聰。

廣明。唐僖宗。一。大理昭明帝段素英。

廣運。後梁莒公諒。二。北漢彭城王繼元。西夏景宗曩霄。二。大理憲宗段正嚴。

廣順。後周太祖威。三。

廣初。吳越武肅王錢鏐。

廣政。後蜀後主楚恭孝王昶。二十八。

二十四敬

寬寧。漢高宗元帝。一。

更始。漢淮陽王。三。西燕威帝冲。二。

更興。北魏汝南王悅。

正始。魏齊王芳。九。後燕惠懿帝高雲。三。東荆州蠻樊素安。(見北史)。

正光。魏高貴鄉公髦。二。(諸書作正元)。

正平。北魏世祖太武帝彧。二。梁臨賀王蕭正德。

正隆。金海陵煬王亮。六。

正大。金哀宗守緒。八。

正德。西夏崇宗乾順。八。明武宗。十六。

正統。明英宗。十四。

正法。宋李合戎雷進。

正和。日本繼體天皇。

正歷。日本高倉院天皇。渤海康王大嵩鄰。

正治。日本上御門院天皇。大理聖德帝段素貞。

正嘉。日本後深草院天皇。

正元。日本後深草院天皇。

正應。日本。

正安。日本。

正豐。高麗。

政和。宋徽宗。七。

政安。大理世宗段思廉。

政德。大理世宗段思廉。

聖君。北魏高祖延興元年。妖賊司馬小君。

聖明。北魏世宗正始三年。涇州民陳瞻。大理主段素興。

聖歷。唐武后。二。

聖武。唐元宗天寶十五載。安祿山。

聖德。日本舒明天皇。大理主段思聰。一作興聖。

聖元。安南王黎季犛。

慶歷。宋仁宗。八。

慶元。宋寧宗。六。

慶長。日本。

鏡當。日本敏達天皇。

命長。日本舒明天皇。

盛明。大理景宗段正興。
一作建德。

盛德。大理宣宗段智興。

二十五徑

勝光。夏主平康王赫連定。四。

勝照。日本敏達天皇。

證聖。唐武后。一。

應天。唐肅宗乾元二年。史思明。
唐昭宗天祐八年。劉守光。

唐德宗建中四年。朱泚。
四夏襄宗安全。四。

應順。後唐閔帝。一。

應乾。南漢中宗晟。

應運。宋太宗淳化五年。蜀賊李順。
應歷。遼穆宗璟。十九。

應保。日本。

應長。日本。

應道。南詔孝文王尋閣勸。

定居。日本推古天皇。

八聲

一屋

福聖承道。西夏毅宗諒祚。四。

二沃

玉衡。成太宗李雄。二十四。

玉恒。成邛都公李期。四。

四質

歷代建元類考

日新。大理憲宗段正嚴。

六月

發口。日本繼體天王。

九曆

結清。日本欽明天皇。

十一陌

白雀。後秦太祖姚萇。二。

白雉。日本孝德天皇。

赤烏。吳大帝權。十三。

石平。後周高祖建德五年。稽胡劉沒鐸。

十二錫

歷仁。日本四條院天皇。

十三職

德昌。北齊安德王延宗。

德壽。元順帝至正十三年。

白鳥。隋煬帝大業九年。扶風桑門向海明。

白鳳。日本齊明天皇。

赤符。元順帝至元三年。廣州增城民朱光鄉。

白龍。南漢高祖龔。三。

白龜。日本聖武天皇。

德祐。宋少帝。二。

德勝。明劉千斤。

德興。北遂宣宗后肅德妃。

黑龍 苻秦世祖建元十年。蜀人張育。
得聖。宋仁宗慶歷七年。貝州卒于則。

十七治

法輪。隋恭帝皇泰元年。懷戎沙門高曇誠。

法堯。南詔景莊帝世隆。見正閏考。

歷代建元類考

建元考所有而類考未錄者今補入。

明人有以韻編紀元者。鍾氏取之。復爲搜羅。附于歷代建元考爲一卷。
閱之不無遺誤。豈傳鈔之訛耶。遂爲證次。敝則于後。以俟考正。

皇興。北魏顯祖獻文帝宏。

永淳。唐高宗。

中元克復。唐譙王重福。

紹定。宋理宗。

大有。南漢高祖襲。

收國。金太祖。

善化。日本繼體天皇三號。

正和。同上。

發口。同上。

僧聽。日本宣化天皇。

同要。日本欽明天皇八號。

貴樂。同上。

結清。同上。

兄弟。同上。

藏和。同上。

師安。同上。

和僧。同上。

金光。同上。

賢接。日本敏達天皇三號。

鏡常。同上。

勝照。同上。

端政。日本崇俊天皇一號。

從貴。日本女主推古天皇六號。

煩轉。同上。

光元 同上。

定居 同上。

倭京 同上。

仁至 同上。

聖德 日本舒明天皇三號。

僧要 同上。

命長 同上。

常邕 日本孝德天皇。

太和 日本持統天皇。

應道 南詔孝文王尋閣勸。

法堯 南詔景莊帝世隆。

建元考未序而類考所錄者

祥興 元頭陀軍黃華。

明朝十六帝。

平定 明妖賊段銀。

興勝 明妖賊徐鴻儒。

秦定 明陳鑑湖。

大寶 明蔡伯貴。

德勝 明劉千斤。

圓明大寶 明妖僧馬相。

光德 高麗光宗。

延祥 高麗。

正豐 高麗。

字誤

太延 魏世祖太武帝。誤水永。兩非之。今刪。

魯興 北魏鮮于修禮。誤作魯興。今改正。

鳴鳳 隋梁王蕭銑。又作鳳鳴兩收。今刪去聲。

大和 唐文宗。誤作太。今改正。

韻誤

乾封 唐高宗音干。歸十四寒。誤入一先。

禪都 西夏毅宗諒祚。禪。昌也。切。又典可切。從奢從單。即禪木字。類考右從單。歸十三覃誤。應入二十咍。

更始 漢淮陽王。

更興 北魏汝南王悅。更字平仄兩收。今并入二十四敬。

類考顯與諸書違者當考

正光。魏高貴鄉公諸書皆作正元。普嘉。北魏節閔帝。諸書皆作普泰。

類考有疑似須考者

天元。明脫脫不花。

添元。明蒙古也先
同時。必有誤。

治樣。日本。
應治象之誤。

明啓。類考作大理段素廉。

竹崦齋考出

明政。雲南石城碑稱明政三年。

元亨。雲南裕蕭靈峯記。興寶寺德化銘。並稱元亨二年。類考已收大理宣宗段智興號。

天開。雲南淵公塔銘稱天開十六年。

建極。雲南崇聖寺鋪款稱建極十二年。類考已收。然足證建極之非。

享保。日本孔安國古文孝經序稱日本享保十六年辛亥。

昌符。廣東陳州府學安南鍾銘稱昌符九年。歲次乙丑。越史略。昌符陳氏紀年。越史略三卷。撰于昌符之時。至昌符元

年丁巳而止。九年乙丑當中朝洪武十八年也。唐嘉。西洋古里明永樂元年國王馬那必加刺滿遣使入貢。三年詔封古里國王。

歷代建元考前編

夢華館原本

清 鍾淵映撰

盤古氏。一曰渾敦氏。首出御世。荆湖南北以十月十六日爲盤古生日。

天皇氏。姓望。名獲。字子潤。生于柱州無外山。繼盤古氏以治。一姓十三人。兄弟各一萬八千歲。始制干支。

地皇氏。姓岳。名鏗。字子元。生于熊耳龍門之岳。繼天皇氏以治。一姓十一人。兄弟各一萬八千歲。始定三辰。分晝夜。以三十

日爲一月。

人皇氏。姓愷。名胡洸。字文生。生于秦州刑馬山提地之國。繼地皇氏以治。一姓九人。兄弟合四萬五千六百歲。

自天皇至此爲九頭紀。說見春秋緯。

二曰五龍。是爲五姓紀。皇伯、皇仲、皇叔、皇季、皇少。五姓同時。俱駕龍乘雲車而治天下。

三曰攝提。是爲五十九姓紀。

四曰合雒。是爲三姓紀。教人穴居。乘蜚鹿以治天下。

五曰連通。是爲六姓紀。乘蜚麟以理天下。

六曰敍命。是爲四姓紀。駕六龍而治天下。

七曰循蜚。是爲二十二姓紀。德厚信。天下之人循其化以若蜚也。

八曰因提是爲十有三姓紀。如辰放氏之衣皮。有巢氏之編葦。燧人氏之出穴。皆因其變而舉之也。
九曰禪通。是爲十有八姓紀。史皇氏之通封禪者十有八姓也。
十曰疏佗。自黃帝氏而紀。疏以知遠。佗以審斷。仁義道德之所用也。

十紀自九頭而下可傳次者自循蜚始。

鉅靈氏。生子汾睢。握大象。持化權。揮五丁之士。驅陰陽及山川。蓋六合未融者。以神通智力出而贊化也。

譙明氏。涿光氏。北山經有譙明之山。涿光之山。

黃神氏。太素之氣初變爲黃。狃神氏。出于長淮。駕六豨羊。

大駝氏。河南密縣有大駝山。其居卽具茨也。

泰逢氏。蓋山之陽。出入有光。泰逢之神也。

大敦氏。再相氏。雲陽氏。是爲陽帝。處于長沙。所謂萬里沙也。今萊之掖縣。有萬里沙祠。一作靈陽。

巫常氏。秦壹氏。是爲皇人。有兵法陰陽。雲氣太乙諸書傳于世。

神民氏。一曰神皇氏。倚帝氏。都倚帝山。在南陽。

以上二十二氏爲循蜚紀。

辰放氏。傳四世。教民擗木茹皮。以禦風霜。綯髮開首。以去霧雨。而人從之。命之曰衣皮之人。

述蒲澤。最後禪位龍靈。號望帝。卽杜宇也。

脰傀氏。傳六世。

句彊氏。

鉤陣氏。

犂鞬氏。東荒經有犂鞬之尸不壞。

弇茲氏。

蓋盈氏。若水之間。禹中之有蓋盈之邱。

空桑氏。陳留縣有空桑城。卽其都也。

次民氏。次民之世穴。處終矣。

蜀山氏。蜀國肇自人皇。其始蠶叢拍護魚鳧二君各數百歲。號蜀山氏。蠶叢居壘上。魚鳧治導江。

渾沌氏。傳七世。

東戶氏 傳十七世。

皇覃氏 一曰離光氏 傳七世。

啓統氏 傳三世。

吉夷氏 傳四世。

几遽氏。

猗韋氏 傳四世。

有巢氏 傳二世。

燧人氏 傳四世。

庸成氏 傳八世。

以上一十三氏爲因提紀。

太昊伏羲氏 風姓 生于成紀 以木德繼天而王 都于陳 緯書伏羲以建寅爲正 在位一百十五年崩。

史皇氏 姓侯岡 名頡 一曰蒼帝。

柏皇氏 姓柏 名芝 皇柏山 在開封府陳留縣。

中皇氏 一曰中央氏 封禪 之帝 即中黃子。

大庭氏 一曰朱顏氏 魯 有大庭氏之庫。

栗陸氏 是爲栗陸 古 以陸爲陸。

昆連氏 一曰盤連 一曰盤蓋。

焱氏 莊子有焱 氏之頡。

秦氏 蒲衣云有虞氏 不及秦氏。

成雄氏 龍子問曰 太上聖成雄氏之 道 鶡冠子曰 成雄得一。

素皇氏。

內崑氏。

軒轅氏 帝也 在黃帝氏之前 作于絜桑之北 古封禪之。

赫胥氏 一曰赫蘇氏 九洛奏 定 爰脫酒于潛山。

葛天氏 葛 蓋也 古字通用 葛天 繼天 也 爰儼旋穹作犧象 故以爲號。

尊盧氏 是爲宗盧 治九十餘載 位 強臺之陽 葬浮肺山之陰。

祝融氏 一曰祝誦氏 又曰祝蘇 號赤帝 都于鄆 故鄭爲祝融之虛 其治百年 葬衡山之陽。

吳英氏 一曰子 英氏。

有巢氏 後。

朱襄氏 一曰子襄氏 都于枵。

陰康氏 治于華原 葬于 浮肺山之陰。

無懷氏。

宋張栻曰 外紀伏羲之後 有史皇 柏皇 中央 大庭 栗陸 昆連 混沌 赫胥 尊盧 吳英 有巢 朱襄 葛天 陰 康 無懷 凡十有五氏 相繼爲天子 而後神農氏作 及考伏羲命官 十五氏多與焉 則是皆佐伏羲之

臣也。四明陳經謂軒轅祝融或當在太昊前。餘合繫太昊後。又疑爲當時各君一方。如後世諸侯之國者。未知孰是。姑雜攷諸家所紀。附于伏羲後云。

女皇氏名嫫。太昊氏女弟。時共工氏康回作亂。滅共工而誅之。以木德王。都于中皇之山。在位一百三十年崩。

炎帝神農氏。姜姓。起于烈山。以火德代伏羲氏。治天下。都陳。遷曲阜。緯書。神農氏以建丑爲正。在位一百四十年。崩于長沙之茶鄉。

帝臨魁。神農子。在位八十年。

帝承臨魁子。在位六十年。

帝明。帝承子。在位四十九年。

帝宜。一曰帝直。帝明子。在位四十年。

帝來。一曰帝克。帝宜子。在位四十八年。

帝裏。一曰帝居。帝來子。在位四十三年。帝裏生節莖。節莖生克。及戲。皆不在帝位。克生子榆。罔立。

帝榆罔。帝裏之曾孫。帝嗣位後。其臣蚩尤作亂。徙居涿鹿。五十五年。諸侯尊軒轅氏爲天子。降封帝于潞。神農氏亡。

以上爲禪通紀。自黃帝以下至周爲疏仡紀。

黃帝有熊氏曰軒轅。姓公孫。有熊國君少典之子。生于軒轅之邱。嗣爲諸侯。討殺蚩尤于涿鹿。遂卽天子位。以土德王。始作甲子制歷象。緯書黃帝以建子爲正。在位一百十年。丙午崩。

少昊金天氏。名摯。曰元囂。黃帝之子。或曰黃帝子青陽氏之子。別爲己姓。丁未。繼黃帝以金德王天下。都曲阜。在位八十四年。庚午崩。

有鴻氏名休。黃帝子。別爲僖姓。黃帝崩。嗣立。在位四十七年。崩。葬于雍。

愚按諸書俱以少昊承黃帝有鴻氏。載見別紀。四明陳經附注列于黃帝之後。因錄以傳疑焉。

顓頊高陽氏。黃帝之孫。父曰昌意。別爲姬姓。辛未。以水德王天下。都于帝邱。作歷象。以建寅月爲歷元。在位七十八年。戊子崩。

按伏羲之後有軒轅氏。以制乘車而名。乃黃帝亦曰軒轅。遂譌爲一人。不知實則一號名。不相蒙也。又漢孔安國序書。以伏羲神農黃帝爲三皇。少昊顓頊帝嚳堯舜爲五帝。唐司馬貞遂以太昊女媧神農爲三皇。且復載天皇地皇人皇之說。二說不同。而朱子獨從孔說云。

宋王應麟玉海。黃帝五始文曰。春秋正義。春秋緯。稱黃帝受圖有五始說。公羊傳曰。元者氣之始。春者四時之始。王者受命之始。正月者政教之始。公卽位者一國之始。春秋緯云。黃帝坐于扈閣。鳳皇銜書致帝前。其中得五始之文。謂此五事。

帝嚳高辛氏。黃帝之曾孫。元囂之孫。嶠極之子。己丑。以木德王天下。在位七十年。戊戌崩。

帝摯高辛之子。以戊戌嗣立。在位五年。諸侯廢之。

帝堯陶唐氏。祁姓。曰放勳。帝嚳之子。初封於陶。改封唐。故曰陶唐。以甲辰卽天子位。都平陽。以火德王。定閏法。在位七十二載。乙卯禪于舜。癸未崩。

帝舜有虞氏。姚姓。曰重華。高陽氏之後。父曰瞽瞍。以帝堯七十二載。乙卯攝行天子事。二十八載。丙戌。始代堯踐帝位。以土德王。都蒲坂。丁巳。禪于禹。十有七載。癸酉崩。在位五十載。

夏 姒氏。

后禹。顓頊之孫。鯀之子。治水有功。以丁巳受舜禪。癸酉。舜崩。避于陽城。丙子。始卽位。改元。以金德王。都安邑。改載爲歲。癸未崩于會稽。在位十歲。

竹書紀年。元年。頒夏時于邦國。

后啓。禹之子。以甲申嗣立。九歲壬辰崩。

后太康。啓子。以癸巳嗣立。二十九歲辛酉。畋于洛。爲有窮后羿所距。崩于陽夏。

后仲康。太康弟。以壬戌嗣立。十三歲甲戌崩。

后相。仲康子。以乙亥嗣立。八歲寒浞殺羿。二十七歲辛丑。寒浞使其子澆弑于帝邱。

寒浞以辛丑弑后相。篡夏。四十年壬午。爲夏故臣靡所滅。

后少康。相子。以壬午滅浞。嗣立。二十二歲癸卯崩。

后杼少康子以甲辰嗣立十七歲庚申崩。
后槐杼子以辛酉嗣立二十六歲丙戌崩。
后芒槐子以丁亥嗣立十八歲甲辰崩。
后泄芒子以乙巳嗣立十六歲庚申崩。
后不降泄子以辛酉嗣立五十九歲遜位于弟局又十歲崩。

竹書曰三代之世內禪惟不降實有聖德。

后局不降弟以庚申嗣立二十一歲庚辰崩。

后厘局子以辛巳嗣立二十一歲辛丑崩。

后孔甲厘子以壬寅嗣立三十一歲壬申崩。

后臯孔甲子以癸酉嗣立十一歲癸未崩。

后發臯子以甲申嗣立十九歲壬寅崩。

后履癸是爲桀以癸卯嗣立五十三歲乙未以失道爲殷湯所伐放居南巢夏后氏亡。

右夏一十七世四百四十一年內寒浞篡位四十年始甲戌訖乙未竹書自禹至桀十七世有王與無王用歲四百七十一年起壬子終壬戌其所載甲子歷數與史多異蓋戰國史氏之繆也。

殷子氏。

湯名履。契之十四世孫。商侯癸之子。以夏后癸戊寅嗣爲諸侯。十七載。以乙未滅夏。卽天子位。以水德王。都亳。改夏建寅正。以十二月爲歲首。改歲曰祀。十三祀丁未崩。

宋胡氏皇王大紀論曰。古史不載湯改元。獨劉道原載之。非其實也。夫人君卽位之一年。謂之元年。一定而不可易也。成湯之元。立于桀之三十五載矣。其所以克享天心。受天明命。以有九有之師。爰革夏正。本是而爲之者也。又可改乎。元者。義之所存。非若一二之爲數也。後世以元爲數。而不知其義。如漢武之初年。曰建元元年。旣曰元年。則元旣建矣。又曰建元。豈不贅乎。後又因事別建年號。失其義矣。如人君知此義而體之。則元原于一。豈至如是紛紛乎。

太宗太甲名至。成湯太子太丁之子。以戊申嗣立。三十三祀庚辰崩。

愚按竹書太甲之前。有外丙名勝。在位二年。仲壬名庸。在位四年。蓋泥于孟子之文。而不知古人以歲爲年。非謂踐阼之歷數也。至云伊尹篡位。爲太甲所殺。則尤誕而不經矣。

沃丁名絢。太甲子。以辛巳歲嗣立。二十九祀己酉崩。

太庚名辨。沃丁弟。以庚戌嗣立。二十五祀甲戌崩。

小甲名高。太庚子。以乙亥嗣立。十七祀辛卯崩。

雍己名佃。小甲弟。以壬辰嗣立。十二祀癸卯崩。

中宗太戊名密。雍己弟。以甲辰嗣立。七十五祀戊午崩。

仲丁名莊。太戊子。以己未嗣立。遷都囂。十三祀辛未崩。
外壬名發。仲丁弟。以壬申嗣立。十五祀丙戌崩。
河亶甲名整。外壬弟。以丁亥嗣立。徙都相。九祀乙未崩。
祖乙名滕。河亶甲子。以丙申嗣立。徙都耿。復徙邢。十九祀甲寅崩。
祖辛名旦。祖乙子。以乙卯嗣立。十六祀庚午崩。
沃甲名踰。祖辛弟。以辛未嗣立。二十五祀乙未崩。
祖丁名新。祖辛子。以丙申嗣立。三十二祀丁卯崩。
南庚名更。沃甲子。以戊辰嗣立。二十五祀壬辰崩。
陽甲名和。祖丁子。以癸巳嗣立。七祀己亥崩。
盤庚名旬。陽甲弟。以庚子嗣立。遷都般。改國號曰般。二十八祀丁卯崩。
小辛名頌。盤庚弟。以戊辰嗣立。二十一祀戊子崩。
小乙名斂。小辛弟。以己丑嗣立。二十八祀丙辰崩。
高宗武丁名昭。小乙子。以丁巳嗣立。五十九祀乙卯崩。
祖庚名曜。武丁子。以丙辰嗣立。七祀壬戌崩。
祖甲名載。祖庚弟。以癸亥嗣立。三十三祀乙未崩。

廩辛名先。祖甲子。以丙申嗣立。六祀辛丑崩。

庚丁名鸞。廩辛弟。以壬寅嗣立。二十一祀壬戌崩。

武乙名瞿。庚丁子。以癸亥嗣立。徙居河北。四祀丙寅崩。

太丁名托。武乙子。以丁卯嗣立。三祀己巳崩。

帝乙名羨。太丁子。以庚午嗣立。三十七祀丙午崩。

帝辛名受。帝乙子。是爲紂。以丁未嗣立。無道。三十三祀己卯。周武王來伐。戰敗。自燔死。殷亡。

右殷二十八世。六百四十五年。始乙未。訖己卯。漢書律歷志。自伐桀至武王伐紂。六百二十九歲。又曰。殷世繼嗣。三十一王。六百二十九歲。蓋并外丙仲壬數之。而更縮其年。誤也。

周姬氏。

武王發。后稷十六世孫。文王昌之子。以商紂二十一祀丁卯。嗣西伯位。己卯。滅紂。卽天子位。以火德王。都鎬。改殷建丑。正。以十一月爲歲首。改祀曰年。七年乙酉崩。

戴記世子篇。武王九十三歲而終。竹書紀年曰。武王五十四。

成王誦。武王子。以丙戌嗣立。三十七年壬戌崩。

康王釗。成王子。以癸亥嗣立。二十六年戊子崩。

昭王瑗。康王子。以己丑嗣立。五十一年己卯。崩于漢水。

穆王滿。昭王子。以庚辰嗣立。五十五年甲戌崩。
共王瓘。扈。穆王子。以乙亥嗣立。十二年丙戌崩。
懿王薳。共王子。以丁亥嗣立。二十五年辛亥崩。
孝王辟方。共王弟。以壬子嗣立。十五年丙寅崩。
夷王燹。懿王子。以丁卯嗣立。十六年壬午崩。
厲王胡。夷王子。以癸未嗣立。三十七年無道。爲國人所逐。出奔彘。周召二伯行政。謂之共和。十五年癸酉崩于彘。

按史記周召二伯行政謂之共和。而竹書紀年以爲共伯和攝行天子事。宣王立。和歸國。有至德。尊之不喜。廢之不怒。逍遙得志于共山之首。由前言之。若後世改元者然。由後言之。則一人也。然考周以甸侯執政者。周召而外。惟尹氏。毛氏諸族。若共國則水經注以爲卽河內共縣。國遠而微。必無綜攝大權之理。前說近之。

宣王靖。厲王子。以甲戌嗣立。四十六年己未崩。

幽王宮涅。宣王子。以庚申嗣立。無道。十一年庚午。爲犬戎所弑。

平王宜臼。幽王子。以辛未嗣立。遷都于洛。是爲東周。五十一年辛酉崩。

桓王林。平王孫。以壬戌嗣立。二十三年甲申崩。

莊王佗。桓王子。以乙酉嗣立。十五年己亥崩。

僖王胡齊。莊王子。以庚子嗣立。五年甲辰崩。

惠王闔。僖王子。以乙巳嗣立。二十五年己巳崩。

襄王鄭。惠王子。以庚午嗣立。三十三年壬寅崩。

頃王壬臣。襄王子。以癸卯嗣立。六年戊申崩。

匡王班。頃王子。以己酉嗣立。六年甲寅崩。

定王瑜。匡王弟。以乙卯嗣立。二十一年乙亥崩。

簡王夷。定王子。以丙子嗣立。十四年己丑崩。

靈王泄心。簡王子。以庚寅嗣立。二十七年丙辰崩。

景王貴。靈王子。以丁巳嗣立。二十五年辛巳崩。

悼王猛。景王子。景王崩。國人立之。七月。王子朝弑之。篡位。晉人遂子朝。立敬王。

敬王丐。景王子。以壬午嗣立。四十四年乙丑崩。

元王仁。敬王子。以丙寅嗣立。七年壬申崩。

貞定王介。元王子。以癸酉嗣立。二十八年庚子崩。

哀王去疾。貞定王子。嗣立三月。弟叔弑之。

思王叔。哀王弟。自立。五月。少弟嵬殺之而自立。

考王嵬以辛丑嗣立。十五年乙卯崩。

威烈王午。考王子。以丙辰嗣立。二十四年己卯崩。

安王驕。威烈王子。以庚辰嗣立。二十六年乙巳崩。

烈王喜。安王子。以丙午嗣立。七年壬子崩。

顯王扁。烈王弟。以癸丑嗣立。四十八年庚子崩。

慎靚王定。顯王子。以辛丑嗣立。六年丙午崩。

赧王延。慎靚王子。以丁未嗣立。五十九年乙巳爲秦所攻。盡獻其邑三十六于秦。是歲王崩。

東周君。貞定王子。河南桓公揭之後。東周惠公章之子。赧王崩後七年壬子爲秦所滅。周遂不祀。

右周三十七世。八百六十七年。東周君七年。

春秋戰國諸侯考

魯

姬姓。侯爵。周封元公旦之子伯禽。都曲阜。

魯公伯禽。五十二年。

考公伋。四年。

煬公熙。六年。

幽公宰。十四年。

魏公潰。五十二年。漢書律歷志作微公。

厲公擢。三十七年。

獻公具 三十二年。

真公湏 三十年。

武公敖 九年。

懿公戲 九年。

伯御 十一年。

孝公稱 二十七年。

惠公弗涅 四十六年。

隱公息姑 十一年。
入春秋。

桓公軌 十八年。

莊公同 三十二年。

閔公啓方 二年。

僖公申 三十三年。

文公興 十八年。

宣公倭 十八年。

成公黑肱 十八年。

襄公午 三十一年。

昭公禰 三十二年。

定公宋 十五年。

哀公蔣 二十七年。

悼公寧 三十七年。

元公嘉 二十一年。

穆公顯 三十三年。

共公奮 二十二年。

康公屯 九年。

景公匭 二十九年。

平公旅 三十二年。

湣公賈 二十三年。

頃公讎 二十四年。
楚所滅。

右魯凡三十四世。八百六十七年。始周成王元年丙戌。終秦莊襄壬子。

齊

姜姓。侯爵。周以封太公望。都營邱。

太公望。

丁公伋。

乙公得。

癸公慈母。

哀公不辰。

胡公靜。

獻公山 九年。

武公壽 二十六年。

厲公無忌。

文公赤 十二年。

成公說 九年。

莊公購 六十四年。

僖公祿父 三十三年。

襄公諸兒 十二年。

桓公小白 四十三年。

孝公昭 十年。

昭公潘 十九年。

懿公商人 四年。

惠公元 十年。

頃公無野 十七年。

靈公環 二十八年。

莊公光 六年。

景公杵臼 五十八年。

晏孺子荼 一年。

悼公陽生 四年。

簡公壬 四年。

平公鶩 二十五年。

宣公積 五十一年。

康公貸 十九年。

田和列爲諸侯。二十六年卒。姜氏絕。

右齊凡二十九世。七百四十四年。始周武王己卯。終安王壬寅。

晉

姬姓。侯爵。周成王封弟虞于唐。二世燮徙晉。始改曰晉。

唐叔虞。

晉候燮。

武侯寧族。

成侯服人。

厲侯福。

靖侯宜臼 十八年。

僖侯司徒 十八年。

獻侯籍 十一年。

穆侯弗生 二十七年。

殤叔 三年。

文侯仇 三十五年。

昭侯伯 七年。

孝侯平 十五年。
鄂侯郟 六年。
哀侯光 九年。

小子侯 四年。
翼侯緡 二十八年。
所滅。代有晉國。
武公

曲沃桓叔成師。
穆侯子。
莊伯鯀

宋林堯叟春秋世系曰。成師之後。傳曲沃莊伯。莊伯之十一年十一月。魯隱公之元年正月也。蓋用

夏正。不惟改元。又改歷矣。

武公稱 立十七年。
代晉二年。
獻公侂諸 二十六年。
惠公夷吾 十四年。

懷公圉 一年。
文公重耳 九年。
襄公謹 七年。

靈公夷臯 十四年。
成公黑臀 七年。
景公獯 十九年。

厲公州蒲 八年。
悼公周 十五年。
平公彪 二十六年。

昭公夷 六年。
頃公去疾 十四年。
定公午 三十七年。

出公鑿 十七年。
哀公驕 十八年。
幽公柳 十八年。

烈公止 二十七年。
孝公頎 十七年。
書作桓公。
靖公俱酒 二年。
韓趙魏三分
其地。晉遂滅。

右晉自唐叔至侯緡十七世。又武公以後二十一世。共七百四十二年。始周成王甲午。終安王乙巳。

秦

嬴姓。伯爵。出自帝顓頊。至柏翳。賜姓嬴。周孝王封翳十九世孫非子于秦。為附庸。號秦嬴。傳六世。襄

公以兵救周有功，遂列爲諸侯。

秦嬴 四十年。

秦侯 十年。

公伯 三年。

秦仲 二十三年。

莊公 四十四年。

襄公 十二年。

文公 五十年。

寧公 十二年。

出子 六年。

武公 二十年。

德公 二年。

宣公 十二年。

成公 四年。

穆公任好 三十九年。

康公瑩 十二年。

共公和 五年。

桓公榮 二十七年。

景公后 四十年。

哀公 三十六年。

惠公 十年。

悼公 十四年。

厲共公 三十四年。

躁公 十四年。

懷公 四年。

靈公 十三年。

簡公悼子 十六年。

惠公 十三年。

出子 二年。

獻公師隰 二十四年。

孝公渠梁 二十四年。

惠文王駟 十四年稱王，更爲元年。又十四年薨。

秦本紀 惠文君十四年更爲元年。

武王蕩 四年。

昭襄王稷 五十六年，以五十二年滅周。

孝文王柱 一年。

莊襄王楚 四年薨，取呂不韋姬子，子政立，是爲始皇帝。

楚 右秦三十世爲諸侯。五世稱王。又稱帝二世而滅。共六百九十年。始周孝王甲子。終二世皇帝甲午。

芊姓。子爵。出自顯頊孫祝融。祝融十二世孫鬻熊事周文王。成王封其曾孫熊繹于楚蠻。居丹陽。

熊繹。

熊艾。

熊黜。

熊勝。

熊揚。

熊渠。

熊摯紅。

熊延。

熊勇。十年。

熊嚴。十年。

熊霜。六年。

熊狗。二十二年。

熊罾。九年。

若敖熊儀。二十七年。

霄敖熊坎。六年。

蚘冒熊眴。十七年。

武王熊通。四十四年。

文王熊賁。十二年。

堵敖熊羆。五年。

成王頹。四十六年。

穆王商臣。十二年。

莊王旅。二十三年。

共王審。三十一年。

康王招。十五年。

郟敖麋。三年。

靈王虔。十一年。

平王居。十三年。

昭王軫。二十七年。

惠王章。五十七年。

簡王中。二十四年。

聲王當。六年。

悼王疑。二十一年。

肅王臧。十一年。

宣王良夫。三十年。

威王商。十一年。

懷王槐。三十年。

頃襄王橫。三十六年。

孝烈王完。二十五年。

幽王煜。十年。

哀王郝。

王負芻。

五年爲秦所虜。楚滅。滅後十五年而懷王孫爲楚義帝。卒以滅秦。

右楚四十世。二十五世稱王。凡八百九十三年。始周成王丙戌。終秦始皇戊寅。史記楚世家。熊渠卒。子熊摯。紅立。而左氏傳。夔子對楚人曰。我先王熊摯有疾。鬼神弗赦。而自竄于夔。吾是以失楚。則摯紅別封于夔。不得爲楚嗣明矣。春秋三傳。唯左氏最後出。史遷不及考證也。

宋

子姓。公爵。周封殷帝乙之元子啓爲成湯後。

微子啓。

微仲衍。

宋公稽。

丁公申。

滑公共。

煬公熙。

厲公鮒祀。

僖公舉。二十八年。

惠公覲。三十年。

哀公。元年。

戴公。三十四年。

武公司空。十八年。

宣公力。十九年。

穆公和。九年。

殤公與夷。十年。

莊公馮。十九年。

閔公捷。十五年。

桓公御說。三十一年。

襄公茲父。十四年。

成公壬臣。十七年。

昭公杵臼。九年。

文公鮑。二十二年。

共公瑕。十三年。

平公成。四十四年。

元公佐 十五年 景公頭曼 六十四年

昭公得 四十七年

悼公購繇 八年 休公田 二十三年

辟公辟兵 三年 竹書
作桓公

君剔成 四十一年 康王偃 四十七年 爲齊
與楚魏所滅

右宋三十二世八百二十八年始周成王戊子終赧王乙亥

衛

姬姓侯爵周武王以封同母弟封

康叔封 康伯牟 考伯

嗣伯 處伯 靖伯

貞伯 頃侯 十三年 僖侯 四十二年

其伯餘 武公和 五十五年 莊公揚 二十三年

桓公完 十六年 宣公晉 十九年 惠公朔 三年

黔牟 八年 惠公 復立十九年 懿公赤 九年

戴公申 元年 文公燬 二十五年 成公鄭 三十五年

穆公遫 十一年 定公臧 十二年 獻公行 十三年 奔齊

廢公剽 十一年 獻公 復立三年 襄公惡 九年

靈公元 四十二年。

出公輒 十三年出奔。

莊公蒯賸 二年。

出公 復立二年。奔越。

悼公黔 五年。

敬公弗 十九年。

昭公糾 六年。

懷公咺 十一年。

慎公頹 四十二年。

聲公訓 十一年。

成侯速 二十九年。

平侯 八年。

嗣君 四十二年。

懷君 三十一年。

元君 二十五年。

君角 二十一年。秦二世廢爲庶人。衛滅。

右衛三十九世九百六年始周武王庚辰終秦二世壬辰。

陳

媯姓侯爵周封舜後胡公滿以備三恪。

胡公滿

申公犀侯

相公臯羊

孝公突

慎公圍戎

幽公寧 二十三年。

僖公孝 三十六年。

武公靈 十五年。

夷公說 三年。

平公燮 二十三年。

文公圉 十年。

桓公鮑 三十八年。

厲公躒 七年。

莊公林 七年。

宣公杵臼 四十五年。

穆公款 十六年。

共公朔 十八年。

靈公平國 十五年。

成公午 三十年

哀公溺 三十四年卒
楚滅陳

惠公吳 二十八年 楚滅陳 後五年 復爲立惠公

懷公柳 四年

潁公越 二十四年 爲楚滅 而厲公子完 之後執政于齊 後卒代有齊國

右陳二十三世 六百四十四年 中絕 五年 始周武王己卯 終敬王癸亥

杞

姒姓侯爵 周封東樓公以爲禹後

東樓公

西樓公

題公

謀娶公

武公 四十七年

靖公 二十三年

共公 八年

惠公 十八年

成公 十八年

桓公姑容 十七年

孝公勾 十七年

文公益姑 十四年

平公郁釐 十八年

悼公成 十二年

隱公乞

僖公過 十九年

閔公維 十五年

哀公闕路 十年

出公敫 十年

簡公春 一年 爲楚滅

右杞二十世 六百七十九年 始周武王己卯 訖貞定王丙申

宋林堯叟春秋括例曰 杜氏年表 武公十二年 八春秋 至僖公二十三年 始載杞 成公卒 弟桓公姑

容立 而考之史記 自武公 靖公 共公 德公 至桓公 姑容立 共九十六年 而無成公 一代 世本譙周索

隱徐廣所說又云惠公生成公桓公名有互異又如春秋隱四年伐杞桓三年來朝三年會杞莊二十五年伯姬歸杞傳並不載何公今但當以左傳所載桓公及杜氏年表爲正可也。

曹

姬姓伯爵周武王以封弟振鐸。

曹叔振鐸。

大伯脾。

仲君平。

宮伯侯。

孝伯雲。

夷伯喜三十年。

幽伯疆九年。

戴伯蘇三十年。

惠伯雉三十六年。

穆公武三年。

桓公終生五十五年。

莊公射姑三十二年。

僖公羈九年。

昭公班九年。

共公襄三十五年。

文公壽二十三年。

宣公弼十七年。

成公負芻二十三年。

武公勝二十七年。

平公須四年。

悼公午九年。

靖公露四年。

伯陽十五年。

右曹二十三世六百三十六年始周武王己卯終敬王甲寅按系本及春秋傳悼伯卒弟露立諡靖公而史記世家年表悼之後有聲公名野隱公名通考其年次與傳不合蓋史氏之誤也。

蔡

姬姓侯爵周武王以封弟叔度度作亂遷死周公復封其子胡

蔡仲胡

蔡伯荒

宮侯

厲侯

武侯

夷侯二十八年

僖侯肇四十八年

共侯興二年

戴侯十年

宣公考父三十五年

桓公封人二十年

哀公獻舞二十年

穆公肸二十九年

莊公甲午三十四年

文公申二十年

景公固四十九年

靈公般十二年魯楚所滅

平公廬九年滅三年復立

悼公東國三年

昭公申二十八年

成公朔十九年

聲公產十五年

元公六年

侯齊四年楚滅為

右蔡二十四世六百六十二年中絕二年始周成王癸巳終貞定王甲午

鄭

姬姓伯爵周宣王以封其弟友

桓公友三十六年

武公掘突二十七年

莊公寤生四十二年

厲公突四年出奔

昭公復入二年

子亶元年

鄭子儀十四年

厲公復立七年

文公捷四十五年

穆公蘭 二十二年。

靈公夷 元年。

襄公堅 十八年。

悼公潰 二年。

成公踰 十四年。

僖公髡頑 五年。

簡公嘉 三十六年。

定公寧 十三年。

獻公蠆 十三年。

聲公勝 三十七年。

哀公易 八年。

共公丑 三十年。

幽公已 元年。

緡公貽 二十七年。

康公乙 二十二年，爲
韓所滅。

右鄭二十二世四百三十二年始周宣王乙未終烈王丙午。

燕

姬姓侯爵周武王以封召公奭自公已下九世至惠侯。

召康公奭。

惠侯 召公九世孫。

僖侯 三十六年。

頃侯 二十四年。

哀侯 二年。

鄭侯 三十六年。

穆公 十八年。

宣公 十三年。

桓公 七年。

莊公 三十三年。

襄公 四十年。

桓公 十六年。

宣公 十五年。

昭公 十三年。

武公 十九年。

文公 六年。

懿公 四年。

簡公款 四年。

悼公 七年。

共公 五年。

平公 十九年。

惠公 二年。

獻公 二十八年。

孝公 十五年。

成公載 十六年。

閔公 三十一年。

僖公 三十年。

桓公 十一年。

文公 二十九年。

易王 十二年。

王噲 二年。爲齊滅。

昭王平 復立。三十三年。

惠王 七年。

武成王 十四年。

孝王 三年。

王喜 三十三年。
爲秦所滅。

皇己卯。右燕自康公下九世至惠侯。惠侯至亡三十五世。七世稱王。通前九百一年。始周武王己卯。終秦始

後誤矣。按春秋左氏傳。昭公三年。北燕伯款出奔齊。是爲簡公。而史記以奔齊者爲惠公。序簡公于平公之

吳

姬姓子爵。周太王長子。秦伯逃于句吳。荆蠻立爲君。後武王因而封之。

秦伯。

仲雍。

季簡。

叔達。

周章。

熊遂。

柯相。

疆鳩夷。

餘橋疑吾。

柯慮。

周絲。

屈羽。

夷吾，
頗高。

禽處，
句卑。

君轉，
去齊。

王壽夢乘，二十五年。

王諸樊遇，十三年。

王餘祭，十七年。

王餘昧，四年。

王僚，十三年。

王闔廬光，十九年。

王夫差，二十三年。
爲越所滅。

右吳二十五世七世稱王七百二十餘年始殷祖甲末終周元壬戌辰。

越

姒姓子爵夏少康少子無餘封于會稽奉禹之祀傳二十餘世至允常。

王允常。

王莖執句踐，三十二年。

王顯與鹿郢，四年。

王育姑不壽。

王朱句翁。

王翳。

王莽安初無余。

王莖蠋卵無顯。

王無疆，爲楚威王所滅。

右越自允常至無疆凡八世通前共一千七百二十四年始夏后杼甲辰終周顯王丁亥。

按史記王翳之後有王之侯王無疆而竹書安王二十六年於越太子諸咎弑其君翳十月越人弑諸咎越滑吳人立孚錯支爲君烈王元年大夫寺區定越亂立初無余是爲莽安顯王四年於越寺區弟思弑其君莽安次無顯立十二年於越子無顯卒是爲莖蠋卵次無疆立較史所紀世次爲詳。

今從之。

趙

嬴姓。其先趙夙。造父七世孫。顯于晉。生共孟。共孟生衰。衰生宣孟。盾為正卿。傳莊子朔。文子武。景子成。簡子鞅。至襄子無卹。滅智氏。分晉國。歷極子嘉。獻子浣。浣卒。子籍立。六年。周命為諸侯。

烈侯籍。九年。

武侯。十三年。

敬侯章。十二年。

成侯種。二十五年。

肅侯語。二十四年。

武靈王雍。二十七年。

惠文王何。三十三年。

孝成王丹。二十一年。

悼襄王假。九年。

幽繆王遷。八年。為秦所滅。

代王嘉。趙亡。立于代。七年。為秦所滅。

右趙自烈侯後十一世。六世稱王。一百八十二年。始周威烈王戊寅。終秦始皇己卯。

魏

與周同姓。其先畢公高之裔。萬事晉。封于魏。生武子犢。傳莊子絳。至獻子舒。為正卿。歷襄子曼多。及桓子駒。遂與韓趙共滅智氏。分晉國。駒卒。孫斯立。二十三年。周命為諸侯。

文侯斯。三十八年。

武侯擊。十六年。

惠王罃。三十六年。改元稱一年。後十七年薨。

竹書顯王三十四年。魏惠成王三十六年。改元稱一年。迪鑑考異曰。史記魏世家云。惠王三十六年。卒。子襄王立。襄王十六年。卒。子哀王立。哀王二十三年。卒。子昭王立。六國表。惠王元辛亥。終丙戌。襄

王元丁亥。終壬寅。哀王元癸卯。終乙丑。按杜預春秋後序云。太康初。汲縣有發舊冢者。大得古書。其紀年篇。起自夏殷周。皆三代王事。無諸國別也。惟特記晉國。起自殤叔。次文侯昭侯。以至曲沃莊伯。皆用夏正。編年相次。晉國滅。獨記魏事。下至魏哀王之二十年。蓋魏國之史記也。哀王于史記。襄王之子。惠王之孫也。古書紀年篇。惠王三十六年改元。從一年始。至十六年而稱惠成王卒。卽惠王也。疑史記誤分惠成之世以爲後王年也。哀王二十三年乃卒。故特不稱諡。謂之今王。裴駟魏世家註引和嶠云。紀年起自黃帝。終于魏之今王。今王者。魏惠成王子。按太史書。惠成王。但言惠王。惠王子。襄王。襄王子。哀王。惠王三十六年卒。襄王立十六年卒。并惠襄爲五十二年。今按古文。惠成王立三十六年改元。後十七年卒。太史公書。爲誤分惠成之世以爲二王之年數也。世本惠王生襄王而無哀王。然則今王者。魏襄王也。彼旣魏史所書魏事。必得其真。今從之。

愚按秦本紀。惠文君十四年更爲元年。史家書爲改元之始。然秦之改元在周顯王四十五年。而魏惠成王三十六年。則周顯王之三十四年也。魏實先秦改元矣。說者謂改元始于漢文。夏時正于孝武。乃周室之東。曲沃莊伯已用夏正。而秦魏二國俱嘗改元。固不待新垣之詐。與兒寬輩之議也。

襄王赫二十三年。

昭王邀十九年。

安釐王圉二十四年。

景湣王增十五年。

王假三年。秦所滅。

右魏。自文侯至王假。凡八世。六世稱王。一百七十九年。始周威烈王戊寅。終秦始皇丙子。

韓

姬姓。晉曲沃桓叔庶子萬封于韓。曰韓氏。生簡。簡生子與。至獻子爲正卿。傳宣子起。貞子須。簡子不信。莊子庚。至康子虎。與趙魏滅智氏。分晉國。傳武子啓章。卒。子虔立。六年。周命爲諸侯。

景侯虔。九年。

烈侯取。十三年。

文侯。十年。

哀侯。六年。

懿侯。

昭侯。二十六年。

宣惠王。二十一年。

襄王倉。十六年。

釐王咎。二十三年。

桓惠王。三十四年。

王安。九年。爲秦所滅。

右韓。自景侯後十一世。五世稱王。一百七十四年。始周威烈王戊寅。訖秦始皇辛未。

齊田氏。

田氏出自帝舜。其先陳厲公之子完。事齊。諡敬仲。六世至成子恆。專齊政。傳襄子盤。莊子白。至和代齊。周命爲諸侯。

太公和。二年。

桓公午。六年。

威王因齊。三十六年。

宣王辟疆。十九年。

潛王地。四十年。

襄王法章。十九年。

王建。四十四年。爲秦所滅。

竹書紀年曰。莊子卒。明年立悼子。悼子卒。乃次立和。

右齊田氏。凡七世。五世稱王。一百六十六年。始周顯王乙未。終秦始皇庚辰。

愚按周室封建多至千八百國。見于春秋者百餘國而已。威烈以後。存者無幾。太史公作史記表。春秋者十二表。戰國者六。因采其有年可譜者附之前編。若滕薛莒邾之屬。傳次無聞。悉略而弗錄焉。

秦

始皇帝政。其先柏翳之後。非子封于秦。傳二十八世。至惠文王。始稱王。惠文王卒。武王立。武王卒。昭襄王立。五十一年滅周。又五年卒。孝文王立。三日卒。子楚立。是爲莊襄王。二年庚子。滅東周。以甲寅卒。所取呂不韋。姬子嗣立爲王。二十六年庚辰。盡滅六國。稱始皇帝。改周正。用十月爲歲首。三十七年辛卯。東巡崩于沙邱。

二世皇帝胡亥。始皇少子。以壬辰嗣立。是年山東兵起。三年甲午。爲趙高所弑。立其兄子嬰。明年沛公入關。子嬰降秦滅。

右秦并天下。二世。一十五年。

秦楚之際帝王考

楚

隱王陳勝。字涉。陽城人。以秦二世元年七月起兵于蕲。入陳。自立爲王。明年臘月。爲其御莊賈所殺。王景駒。以秦二世二年端月。爲秦嘉所立。四月。與項梁戰敗。走死。

義帝心。故楚懷王孫。以秦二世二年癸巳六月爲項梁所立。稱楚。都盱台。遷彭城。乙未。秦亡諸侯。尊爲義帝。二月。徙都郴。項羽遣人弑于江中。

趙

王武臣。陳人。爲陳王。略趙地。自立爲王。凡四月。爲季良所殺。王趙歇。故趙王後。武臣死。爲張耳陳餘所立。居信都。項羽以其地封張耳。徙爲代王。未幾。陳餘逐耳。迎還王趙。立餘爲代王。明年冬十月。爲漢韓信所滅。

齊

王儋。狄人。故齊王族。以秦二世二年起兵。自王。舉兵救魏。爲章邯所殺。

王假。故齊王建之弟。爲齊人所立。儋從弟榮擊之。假亡走楚。漢二年。項羽破田榮。復立爲齊王。敗歸。爲羽所殺。

王市。故王儋子。田榮旣逐假。立市爲王。明年。項羽徙王膠東。都卽墨。爲田榮所殺。

王都。齊將。將兵從項羽。元年一月。羽立爲齊王。都臨菑。爲田榮所距。走入楚。

王榮。儋從弟。以漢元年六月。擊殺膠東王市。自立爲王。明年春正月。爲項羽所敗。走死。

王廣。故王榮子。王榮死。弟橫立爲王。明年。爲漢韓信所虜。

王橫。榮之弟。廣死。自立爲齊王。敗歸彭越。漢定天下。亡入海島中。遣使招之。將至洛陽。自剄死。

燕

王韓廣。以秦二世元年爲趙王武臣略燕地。自立爲王。漢元年。項羽徙王遼東。都無終。爲臧荼所殺。王臧荼。故燕將。將兵從項羽。元年一月。羽立爲王。都薊。後屬漢。四年九月。以叛漢誅。

魏

王咎。故魏公子甯陵君。以秦二世元年九月。陳涉立爲王。明年。爲秦將章邯所攻。自殺。

王豹。故王咎之弟。楚懷王立爲王。立三年。項羽徙爲西魏王。都平陽。明年屬漢。尋背漢被虜。

王成。故韓公子橫陽君。以秦二世二年六月。爲項梁所立。羽既定天下。仍故都陽翟。以無功不遣之國。廢爲穰侯。殺之。

王鄭昌。故吳令。乙未八月。項羽立爲王。以距漢。二年十月。昌降漢。漢更立故韓襄王孽孫信爲王。服屬漢。

西楚

霸王項籍。字羽。下相人。故楚將之後。與從父梁舉兵于吳。破秦鉅鹿下。乙未元年一月。分天下。王諸將。自立爲王。王梁楚地九郡。都彭城。四年十二月。爲漢所滅。

雍

王章邯。故秦降將。元年一月。項羽立爲王。王咸陽。以西。都廢邱。七月。與漢戰。敗走廢邱。二年五月。廢邱降漢。自殺。

塞

王司馬欣。故秦長史。元年一月。羽立爲王。王咸陽以東。至河。都櫟陽。七月。降于漢。復從楚。楚兵敗。自劉死。

翟

王董翳。故秦都尉。勸章邯降楚。元年一月。羽立爲王。王上郡。都高奴。元年七月。降于漢。復從楚。楚兵敗。自劉死。

河南

王申陽。假邳人。初事張耳。先下河南迎楚。元年一月。羽立爲王。都洛陽。九月。降于漢。

殷

王司馬邛。趙將。定河內。數有功。元年一月。羽立爲王。王河內。都朝歌。明年爲漢所虜。

常山

景王張耳。大梁人。爲趙王歇相。元年一月。羽立爲王。王趙地。都襄國。爲陳餘所逐。走歸漢。漢破趙。立耳爲趙王。薨諡景王子敖嗣立。

九江

王英布。六人。爲楚將。常冠軍。元年一月。羽立爲王。都六。後降從漢。漢定天下。封淮南王。以反誅。

衡山

文王吳芮。故番君。率百越。佐諸侯。從人關。元年一月。羽立爲王。都郟。漢定天下。改王長沙。元年薨。子成王。臣立。八年薨。子哀王。自立。七年薨。子恭王。若立。九年薨。子靖王。著立。二十一年薨。無後。國除。

臨江

王共敖。事義帝爲柱國。擊南郡有功。元年一月。羽立爲王。都江陵。三年七月薨。

王尉。王敖子。嗣立。二年十二月爲漢所虜。

濟北

王田安。故齊王建孫。以濟北數城下楚。元年一月。羽立爲王。都博陽。六月爲田榮所殺。

右雍王邯以下俱西楚所封。與前代王歇。膠東王市。齊王都。遼東王廣。燕王臧荼。西魏王豹。韓王成。并漢爲十八王。至韓王鄧昌。則漢定三秦之後。羽立以距漢者。非始封也。又按楚封十八王。俱以始封之月爲一月。乙未之春正月也。高祖初稱亦同。見漢書年表。後始襲用秦朔。故垓下之役爲高祖五年十二月。實項羽四年十月也。漢所用者秦歷。而項則夏時耳。

